

四庫全書

史部

欽定四庫全書

大事記續編卷五十七

明 王禕 撰

唐玄宗明皇帝開元元年春正月乙亥吏部尚書蕭至

忠為中書令

以通鑑修

二月以高麗大榮祚為渤海郡王

以呂

祖謙標目修

夏六月丙辰兵部尚書郭元振同三品

以通鑑修

秋

七月甲子岑羲蕭至忠竇懷貞伏誅

解題曰玄宗為太子久矣即位又一年矣彼羣臣之

黨附公主者邪謀亦可息矣而宰相七人五出其門

文武大半附之潛謀廢立不至於殄滅不止也亦如
貞元二十一年三月憲宗為太子七月監國八月即
位而任文之黨方依憑為姦由此觀之小人假之以
尺寸之柄何所不至哉事見通鑑

十二月庚寅改元改三省官名

以新舊
紀修

解題曰宋庠紀年通譜受開元神武之號故改元開
元

壬寅姚崇兼紫微令癸丑貶張說為刺史劉幽求罷甲

寅黃門侍郎盧懷慎同平章事

以新紀修

解題曰按通典先天之前宰相之員頗多景龍中至十餘人開元以來常以二人為限多則三人

唐玄宗明皇帝開元二年春正月丙寅姚崇奏沙汰僧

尼

以呂祖謙
標目修

壬寅定內外官出入之式

以呂祖謙
標目修

置左

右教坊

以呂祖謙
標目修

甲申并州節度大使薛納同三品代

契丹

以新紀修

解題曰按柳芳唐歷唐制命將賜旌節得以專征曰

大總管總管高祖制也鎮軍曰大都督都督行軍曰
大總管總管太宗制也都督持節則為將不持節則
不為將高祖制也詩節將曰都督朔方曰大總管邊
劇之州別置經畧使沃衍之州別置營田使則天制
也鎮軍曰節度大使節度使親王行軍總統大將曰
元帥玄宗制也其後漸加命數以崇其權邊將大開
元中諸道節度兼經畧支度營田使或兼採訪使季
年盡領之而又益官與使朔方自四使外又有鹽池

使押諸蕃部落使六城水陸使單于安北二都護河
東兼大同軍使范陽兼水陸運使平盧兼陸運使押
兩蕃并渤海黑水等四府使河北海運使河西節度
兼長行轉運使九姓等使赤水軍使劍南節度兼山
南西道採訪使北庭兼瀚海軍使隴右兼河源軍使
凡命將則曰持節不書從簡也事見通鑑

十二月甲子置隴右節度大使

以呂祖謙
標目修

解題曰按方鎮表隴右節度開元置亦曰隴西節度

兼經略大使領秦河渭鄯蘭臨武洮岷廓疊宕治鄯
州至德天水太守兼防禦守捉使大中三年陞為秦
成兩州經略天雄軍使伍年置歸義軍節度使領沙
甘肅鄯伊西河蘭岷廓治沙州咸通四年河鄯西
隸涼州伍年陞秦成為天雄軍節度觀察等使增領
階州文德成州隸威戎軍

唐玄宗明皇帝開元三年春正月丁亥立子郢王嗣謙
為皇太子

以新舊
紀修

癸卯盧懷貞檢校吏部尚書兼黃門

監以通鑑修貶御史大夫宋璟為刺史以通鑑修突厥十姓部落

降二月以河南地處之以呂祖謙標目修夏四月以羽林大將

軍薛訥為大總管居涼州右衛大將軍郭虔瓘為大總

管居并州備突厥以通鑑修五月山東蝗以通鑑修秋七月庚辰

朔日有食之以通鑑修初置侍讀官以呂祖謙標目修

解題曰玄宗可謂有志於學矣惜懷素無量章句陋
儒不知帝王之學問不能致之於高明光大之地也

事見通鑑

唐玄宗明皇帝開元四年春正月癸未殺尚衣奉御長

孫昕

朱熹綱目

丙午鄆王嗣真遙領安北大都護陝王嗣昇

遙領安西大都護諸王遙領節度自此始

以通鑑修

二月丙

辰帝幸溫湯丁卯還宮

以新紀修

夏五月庭試縣令以治民

策

以呂祖謙標目修

遣監察御史楊範臣求海南珠翠範臣諫

乃止

以呂祖謙標目修

六月癸亥太上皇崩於百福殿

以呂祖謙標目修

修

詳題曰宋敏求長安志百福殿在西內公主殿之西

唐玄宗明皇帝開元五年春正月癸卯太廟四室壞避

殿輟朝

以新紀修

解題曰按新舊史列傳帝將幸東都而太廟屋壞召宋璟蘇頲問其故對曰三年之喪未終不可以行幸壞壓之變天所以示戒宜停東幸脩德以荅至譴以

問姚崇對曰隋取符堅故殿以營廟而唐因之

胡寅曰唐

有天下不自建廟而因隋故屋非禮大矣太宗營繕甚多而忽其所當先何哉久來枯木壞

與行會不緣行而壞且四海為家兩京相接陛下以

闕中無年因幸東都百司已戒不可失信望移神主
於太極殿改造新廟以申誠敬帝曰卿言正合朕意
賜絹二百匹車駕乃幸東都因令崇五日一參仍入
閣供奉右散騎常侍褚無量上疏曰王者陰盛陽微
則先祖見變今後宮非御幸者宜悉出之以應變異
舉峻良擢奢靡輕賦慎刑納諫爭察諂諛絕世則
天下和會災異訖息帝是宗語惟先格王正厥事此
自昔臣子警君之至情也玄宗畏天之誠本自不篤

而崇又逢其惡撤其防而破其鑰則亦何所不至哉
末年之事崇不得不執其咎也

唐玄宗明皇帝開元六年春正月辛酉禁惡錢

以通秋鑑修

八月令州縣歲十二月行鄉飲酒禮

朱熹綱目

始加賦以給

官俸

以朱熹綱目修

解題曰葉適曰自五胡之亂北方相承百官無俸以
戶自給雖太宗之治猶未及規畫也唐之常賦不為
輕矣又加賦焉崔沔之論過矣公解錢在京官之俸

也故有稅錢令史事見通鑑

通典唐給祿之制京官正一品米七百石錢九

千八百從一品米六百石正二品米五百石錢八千

從二品米四百六十石正三品米四百石錢六千一

百從三品米三百六十石正四品米三百石錢四千

二百從四品米二百六十石正五品米二百石錢三

千六百從五品米一百六十石正六品米一百石錢二

千四百從六品米九十石正七品米八十石錢一

千一百從七品米七十石正八品米六十七石錢一

千六百從八品米六十二石正九品米五十七石錢

力防閭庶僕別給內外官並給職田京官諸司及郡

縣又給公廨田有差

冬十一月辛卯帝至自東都

以新舊紀修

唐玄宗明皇帝開元七年夏五月己丑朔日有食之

新以

紀

修秋八月敕五服並從禮傳

宋熹綱目

是歲置劔南節度使

以呂祖謙
標目修

解題曰按方鎮表開元七年益州長史領劔南支度

營田松當姚雋州防禦處置兵馬經略使節度使領

益彭蜀漢眉綿梓遂邛劔榮陵嘉普資雋黎戎雄茂

簡龍雅瀘合二十二年兼山南西道採訪處置使號

山劔西道增領文扶姚二十八年增領奉天寶增領

霸至德更號西川節度增領果梓遂綿劍龍閬普陵
瀘榮資簡隸東川節度寶應劍南又領松當悉柘翼
恭靜環真廣德復領東川十五州大厯元年復還東
川三年劍南增領乾興元果隸山南西道永貞西川
增領古州元和三年涪隸黔中節度四年復領資簡
咸通八年置定邊軍節度觀察處置等使領嶺眉蜀
邛雅嘉黎十一年廢復隸西川中和二年置保勝軍
防禦使綿漢皆置防禦使置彭州防禦使文德置平

軍節度使領邛蜀黎雅陞彭州防禦為威戎軍節度
使領彭文成龍茂大順廢復隸西川景福元年彭州
隸龍劍節度三年文州隸興文節度

唐玄宗明皇帝開元八年春正月辛巳宋璟蘇頲罷京

兆尹源乾曜為黃門侍郎并州長史張嘉貞為中書侍

郎同平章事

以新舊
紀修

弛錢禁

以通鑑
修

夏五月丁卯源乾曜

為侍中張嘉貞為中書令

以新舊
紀修

六月庚寅洛瀍穀水

溢

新紀

秋九月壬申突厥入寇敗河西兵毗伽可汗復振

紀修以新舊冬十月帝幸長春宮壬午獵于下邳庚寅溫湯

十一月乙卯還宮

唐玄宗明皇皇帝開元九年春正月以監察御史宇文融

為覆田使

以通鑑
列傳修

解題曰程迥曰杜佑理道要訣記宇文融檢責客戶
除每州計會歸本貫外更令所在編附其寬鄉有剩
田者約三四十州其浮戶任其親戚鄉里相就每十
戶以上共作一坊每戶給五畝充宅并造一兩間屋

宇開巷陌立閭伍種桑棗築園蔬使親隣不失丁別
量給五十畝以上為私田任其自營種率十丁於近
坊更共給一頃以為公田共令營種每丁一月役功
三日十丁一年得三百六十日營公田不啻得足計
平收一年不減百石便納隨近州縣倉更無租稅既
是營田戶且免征行按堵有餘必不流散迺據此說
蓋以征戍撓壞租調法故以是救之

夏四月蘭池胡康待賓寇邊

新紀

戊戌舉縣令

以通鑑修

秋七

月己酉幽州都督節度河北諸軍大使王峻擒康待賓

以通鑑修九月乙巳朔日有蝕之新紀丁未梁文獻公姚崇卒

以通鑑修癸亥天兵軍節度使張說為兵部尚書同三品新紀

修紀

唐玄宗明皇帝開元十年春正月丁巳帝幸東都以新舊紀

修癸亥收公廨稅錢充官俸以舊紀通鑑修

解題曰按新史食貨志中書舍人張嘉貞陳其不便

遂罷天下公廨本錢充稅戶以給百官

夏四月己亥張說兼朔方節度使

通鑑

解題曰宰相兼節度使人謂始於張說非也武德六年楊恭仁以中書令檢校涼州軍事其來非一日矣

葉夢得曰開元四年鄭王嗣真除安北大都護充河西道及四鎮諸蕃落大使知節度使親王遙領節度使自此始以安北大都護張知運為副使於是使李林甫遙領隴右節度使以杜希逸為留後於是

有留後文宗備問頗具本末

五月辛酉伊汝水溢

新紀

解題曰按水經伊水出南陽縣西荀渠山東北過陸

渾縣南又東北過新城縣南又東北過伊闕中又東北至洛陽南北入于洛汝水出河南梁縣勉鄉西天息山東南過其縣北又東南逕潁川鄉縣南又東南過定陵縣北又東南過郛縣北又東南過汝南上蔡縣西又東南過平輿縣南又東至原鹿縣南入于淮唐玄宗明皇帝開元十一年春正月庚辰帝幸潞州以故第為飛龍宮辛卯次并州以并州為北都

以新舊紀通鑑修

二月己酉張嘉貞貶刺史

以新紀修

壬子祭后土于汾陰三

月庚午至自汾陰

以新舊紀修

夏四月甲子張說為中書令

吏部尚書王暉為兵部尚書同三品

以新舊紀修

五月乙丑

復中宗于大廟

新紀

己丑王暉兼朔方節度大使

以通鑑修置

麗正書院

以呂祖謙標目修

秋八月戊申尊宣皇帝曰獻祖光

皇帝曰懿祖祔大廟九室

以新舊紀通鑑修

冬十月作溫泉宮

以通鑑修

十一月戊子初置長從宿衛

以呂祖謙標目修

解題曰按兵志始以彍騎分隸十二衛總十二萬為

六番每衛萬人京兆六萬六千同州九千蒲州萬三

千三百絳州二千六百晉州千五百岐州六千河南

府三千陝號汝鄭懷汴六州各六百內弩手六千會

要十六年曠騎弩手改為左右羽林騎事見通鑑

按唐

十六衛惟左右衛驍衛武衛威衛領軍衛金吾衛領諸府監門衛千牛衛不領所以曠騎惟隸十二衛也

十二月庚申貶王峻為刺史

新紀

是歲改政事堂曰中書

門下

以呂祖謙標目修

唐玄宗明皇帝開元十二年夏六月以兵部員外郎字

文融為勸農使

以通鑑修

山東旱選近臣五人為刺史

以通鑑修

秋七月癸亥楊思勗平溪州蠻

以通鑑修

己卯廢皇后王氏

為庶人冬十月卒

以新紀修

八月己亥宇文融為御史中丞

通鑑

十一月庚午帝幸東都

以新舊紀修

閏十二月丙辰朔日

日有食之

新紀

唐玄宗明皇帝開元十三年春二月庚申宇文融兼戶

部侍郎

以通鑑修

乙亥更命長從宿衛曰彍騎

呂祖謙標目

選諸

司長官十一人為刺史

以通鑑修

三月皇太子及王四人更

名立八人為王

以本紀修

丙申禁錮酷吏來俊臣等二十三

人子孫

以舊紀修

夏四月丁巳改麗正書院為集賢殿書院

以舊紀修

冬十月辛酉帝如兗州十一月庚寅封泰山辛卯

禪社首

以新舊紀修

癸巳加內外閑廐使王毛仲開府儀同

三司

以通鑑修

丙申帝幸孔子宅以太牢祭墓十一月己巳

如東都

以新舊紀修

唐玄宗明皇帝開元十四年春邕州獠反二月遣楊思

勗討之

以新紀通鑑修

夏四月丁巳戶部侍郎李元絃為中書

侍郎同平章事庚申張說罷

以新紀修

解題曰按新舊史列傳說為右丞相兼中書令停中書令罷政事又乞停右丞相不許餘見通鑑

唐玄宗明皇帝開元十五年春正月辛丑涼州都督王

君奭大破吐蕃於青海

以呂祖謙標目修

二月出宇文融為刺

史

以通鑑修

夏五月癸酉以皇子領州牧刺史都督節度大

使自是不復出閣

以呂祖謙標目修

秋七月甲戌震興教門觀

災

新紀

庚寅洛水溢八月澗穀溢

新紀

九月丙子吐蕃寇瓜

州閏九月庚子圍安西

以新紀修

庚申回紇襲甘州殺王君

奠

以呂祖謙
標目修

冬十月己卯帝至自東都

以新舊
紀修

唐玄宗明皇帝開元十六年春正月乙卯瀧州獠反遣

楊思勗討之

以通
鑑修

二月壬辰改彊騎為左右羽林軍飛

騎

通
鑑

秋七月乙巳河西節度使蕭嵩等大破吐蕃克其

大莫門城八月辛卯復敗之于祁連城

以新紀
通鑑修

解題曰洮州有莫門軍甘州張掖縣有祁連山

唐玄宗明皇帝開元十七年春三月戊戌瓜州都督張

守珪大破吐蕃于大同軍

以通
鑑修

甲寅朔方節度使信安

王禕克吐蕃石堡城

以呂祖謙
標目修

解題曰會要石堡城在鄯州鄯城縣西本吐蕃鐵仵
城改為武軍二十九年陷吐蕃天寶八載拔之改為
神武軍餘見通鑑

夏四月乙亥大風震藍田山崩

新紀

六月甲戌源乾曜杜

暹李元絃罷蕭嵩兼中書令戶部侍郎宇文融為黃門

侍郎兵部侍郎裴光庭為中書侍郎同平章事

以新舊
紀修

秋八月癸亥立千秋節

以通鑑修

宇文融始置諸史九月坐

貶汝州刺史

以呂祖謙
標目修

卷五十七

唐玄宗明皇帝開元十八年春正月辛卯裴光庭為侍

中

新紀

二月丙寅大雨雷震左飛龍廐災

新紀

癸酉初令百

官選勝行樂

以呂祖謙
標目修

夏四月乙卯築京師外郭

以新
舊紀

修

乙丑裴光庭兼吏部尚書始用循資格

以呂祖謙
標目修

解題曰杜佑曰此起於後魏崔亮停年之制也事見

通鑑

五月乙酉奚契丹叛附突厥

以新
紀修

六月甲子彗星出于

五車

紀以新修

冬十月吐蕃和親

標以呂祖謙修

是歲天下奏死

罪止四十二人

鑑道

唐玄宗明皇帝開元十九年春正月壬戌貶王毛仲為

灋州別駕

尋殺之

以舊紀通鑑修

夏四月丙申立太公廟

紀新

秋九月辛未許吐蕃互市

以通鑑修

冬十月丙申帝幸東都

紀以新修舊

唐玄宗明皇帝開元二十年春正月乙卯以信安王禕

為河東河北行軍副元帥伐契丹

紀以新修

二月甲戌朔日

有食之

以通鑑
目錄修

三月己巳信安王禕敗奚契丹于薊州

以新
紀修

秋八月辛未朔日有食之

以新
紀修

九月乙巳行開元

禮

以舊
紀修

冬十月帝幸潞州十一月如北都祠后土於汾

陰十二月辛未至自汾陰

以新舊
紀修

解題曰鼂補之曰祠后土非古也曠代不講而明皇

行之行之十年不復講矣而蕭嵩勸之惜哉事見通

鑑

唐玄宗明皇帝開元二十一年春三月乙巳裴光庭薨

甲寅尚書右丞韓休為黃門侍郎同平章事

以新
紀修

閏三

月癸酉幽州副總管郭英傑及契丹戰于都山敗死

以新

紀修

解題曰都山在易州滿城縣東北五百里奚地也

秋七月乙丑朔日有食之

通鑑

九月立子七人為王

以本
紀修

冬十二月丁巳蒲嵩韓休罷京兆尹裴耀卿為黃門侍

郎起復前中書侍郎張九齡同平章事

以新
舊紀

是時

天下官一萬七千六百餘員吏五萬七千四百餘人

以呂

祖謙標
目修

分天下為十五道置採訪使

以呂祖謙
標目修

解題曰京畿治京城內關內以京官領都畿治東都
河南治汴州河東治蒲州河北治魏州山南東道治
襄州山南西道治梁州隴右治鄯州淮南治揚州江
南東道治蘇州江南西道治洪州黔中治黔州劔南
治益州嶺南治廣州按通典初節度與採訪各置一
人天寶中始一人兼領之九年勅採訪使但舉大綱
郡務並委郡守至德之後改為觀察皆并領都團練

使分天下為四十餘道大者十餘州小者二三其職
若古之刺史云

監察御史楊慎矜知太府始徵布帛折估錢

以呂祖謙
標目修

唐玄宗明皇帝開元二十二年春正月己巳帝幸東都

以新舊
紀修

夏五月戊子裴曜卿為侍中張九齡為中書令

黃門侍郎李林甫為禮部尚書同三品是日大風拔木

以新
紀修

解題曰按新舊史列傳林甫善音律舅姜皎愛之源

乾曜執政與皎為姻家而乾曜子挈為林甫求司門郎中乾曜曰歌奴豈郎中材耶歌奴林甫小字也授以諭德累遷國子司業宇文融為御史中丞引與同列稍歷吏部侍郎時武惠妃寵傾後宮子壽王盛王以母愛寵異林甫因中人白妃願保護壽王妃德之裴光庭妻武三思女也與林甫私中官高力士本出三思家光庭卒武氏祈力士請林甫代其夫位力士未敢發而帝因蕭嵩言自用韓休方具詔力士漏於

武氏乃令林甫白休休既相甚德林甫而與嵩隙乃薦林甫堪為宰相妃陰助之即拜黃門侍郎通鑑疑而不取孫甫曰帝王之命輔相或自知其人或大臣所薦必才德素著始協天下之望林甫先圖郎官乾曜不許則其人可知矣及宇文融引為中丞侍郎無一善可稱雖為韓休所薦休之言亦未必取信於主但武妃力士內為之助遂至大用爾輔相之人不擇其才德之素但取嬖寵之言而任之此所以致天下

之亂也

唐玄宗明皇帝開元二十三年春正月加張守珪羽林

大將軍御史大夫

以列傳修

解題曰呂祖謙曰郝靈荃得默啜之首宋璟抑其賞而不與逾年始受郎將況御史大夫而可授之守珪乎宋璟之於靈荃九齡之於守珪其意一也然璟當開元之初明皇之心術猶未蠹則其靳之也易當此之時明皇開邊之心已縱小人蠹壞之疾已深則其

靳之也難若其欲用牛仙客以為相則九齡於此不
惟不可靳而且為所亂矣事見通鑑

冬十月戊申突騎施寇邊

以新紀修

閏十一月壬午朔日有

食之

以新紀修

大事記續編卷五十七

欽定四庫全書

大事記續編卷五十八

明 王禕 撰

唐玄宗明皇帝開元二十四年春二月庚午更太子及

諸子名帝欲廢太子張九齡諫之

以呂祖謙
標目脩

三月壬辰

始委禮部侍郎試貢舉

以通鑑脩

張守珪使討擊使驍衛大

將軍安祿山討奚契丹敗績夏四月奏請斬之敕以白

衣領職

以實錄
通鑑脩

解題曰蘇軾曰齊桓公不殺敬仲楚成王不殺重耳

漢高祖不殺劉濞晉武不殺劉淵苻堅不殺慕容垂
明皇不殺安祿山皆盛德事也彼五人者皆無罪何
名而殺祿山則有死罪矣明皇不能按法行辟而愼
諫養姦何得為盛德耶事見通鑑

六月初分月給百官俸

以通鑑修

秋八月壬子張九齡上千

秋金鏡錄

以朱熹綱目脩

冬十月戊申京師地震

新紀

丁卯帝至

自東都

以新舊紀脩

十一月辛丑東都地震

新紀

壬寅裴耀卿

張九齡罷李林甫兼中書令朔方節度副大使牛仙客

為工部尚書同三品領朔方節度使

以通鑑新紀脩

解題曰崔融對憲宗曰玄宗用姚崇宋璟張九齡韓

休李元絃杜暹則理用李林甫楊國忠則亂人皆以

天寶十五年祿山自范陽起兵是理亂分時臣以為

開元二十四年罷賢相張九齡任奸臣李林甫理亂

自此已分矣

按上美張守珪之功欲以為相張九齡諫宰相者代天理物非賞功之官也乃

止牛仙客在河西實倉庫脩器械上欲加尚書九齡曰尚書古之納言惟舊相有德望者為之仙客河湟使典今驟居清要恐羞朝廷上默然未幾九齡罷政而仙客相矣夫相去纔一年而人主之意向已轉移

如此他日雖思九齡之
風度何益哉事見通鑑

唐玄宗明皇帝開元二十五年春正月初置玄學博士

通鑑

三月河西節度副大使崔希逸襲吐蕃破之

以新夏紀脩

四月辛酉殺監察御史周子諒貶右丞相張九齡為刺

史

以呂祖謙
標目脩

解題曰范祖禹曰古之殺諫臣者必亡其國明皇親
為之其大亂之兆乎開元之初諫者受賞及其末也
而殺之非獨此也始抑外戚焚珠玉詆神仙禁言祥

瑞其終也惑女寵極奢侈求長生悅襪祥一人之身

而相反如此由有所陷溺其心故也事見通鑑

通鑑考異

曰柳宗元周君墓碣云有唐貞臣汝南周氏諱某字某天寶中有以諂諛至相位賢臣放退公為御史抗言以白其事得死于墀下宗元此碣雖無名字其事則子諒也云在天寶年微誤

乙丑廢太子瑛鄂王瑤光王琚為庶人殺之

以新紀脩

五月

癸未募丁壯長充邊軍

以呂祖謙標目脩

解題曰按鄴侯李泌家傳唐舊制戍邊者三年一代

後以其勞於道路乃募吏住三年者賜物二十段開

元中遂令諸軍皆募謂之健兒李林甫又請諸軍召募長征健兒以息山東兵士於是師不土著無家族之顧殺帥自擅之兆生矣事見通鑑

秋七月己卯大理寺奏斷死刑五十八有鵲來巢百官表賀庚辰封李林甫牛仙客國公

解題曰范祖禹曰明皇一日殺三子而宰相以刑措受賞讒諛得志天理滅矣能無亂乎事見通鑑

九月壬申頒新脩律令格式

以通鑑舊紀脩

戊子行和糴法停

江淮北河運

以舊紀通鑑脩

冬十月廣平文貞公宋璟卒

以通鑑脩

十二月丙午惠妃武氏薨追冊為皇后

以新紀脩

是歲初令

庸調租皆輸土物

以通鑑脩

唐玄宗明皇帝開元二十六年春正月乙亥牛仙客為

侍中

新紀

令天下州縣里置學

以舊紀通鑑脩

壬辰李林甫兼隴

右節度副大使二月乙卯牛仙客兼河東節度副大使

新紀

三月吐蕃寇河西崔希逸破之

新紀

夏五月乙酉李林

甫兼河西節度副大使

新紀

六月庚子立忠王璵為皇太

子新紀

解題曰孫甫曰太子瑛之廢雖由武妃林甫亦張說之過也初忠王出見百官說有貌類太宗之言蓋昭成方娠時說侍讀東宮知其異事謂王當受天命故因事言之以廣於衆耳說事明皇情意至厚言從計行於忠王豈無密議也使明皇之意已移嬖寵之言易入說無以逃其過矣事見通鑑

突騎施分為兩可汗

以呂祖謙標目脩

秋九月丙午朔日有食

之以新舊紀脩庚子益州長史王昱及吐蕃戰于安戎城敗

績新紀

解題曰安戎城後改平戎城在重慶府南

戊午冊南詔蒙歸義為雲南王

以呂祖謙標目脩

解題曰南詔本哀牢夷後烏蠻別種也其先渠帥有

六自號六詔蒙舍詔在諸部南故稱南詔居永昌姚

州之間王都羊苴咩苴側加切咩密夜切城餘見通鑑地志自舊州清

溪關百一十里至達伏城西南經菁口會川四百三十里至河子鎮城三十里渡瀘水五百四十里至姚

州九十里至外沔蕩館百里有至佉龍驛六十里有至雲南城八十里至百崖城八十里至龍尾城四十里有至羊苴咩城東南距安南水陸二千里八國志安南府至羊苴咩城五十二程

是歲作東西都道上行宮

以通鑑脩

分左右羽林置龍武軍

以通鑑脩

唐玄宗明皇帝開元二十七年春二月己巳上尊號

以新

紀秋八月乙亥磧西節度使蓋嘉運擒突騎施兩可汗

以呂祖謙標目脩

甲申追謚孔子為文宣王

以通鑑

冬十二月更定

禘祫之制

以朱熹綱目脩

唐玄宗明皇帝開元二十八年春二月始興文獻公張

九齡卒

以通鑑脩

三月丁亥朔日有食之

以新紀脩

劍南節度使

章仇兼瓊克吐蕃安戎城

以新紀脩

冬十一月牛仙客罷朔

方河東節度副大使

以新紀脩

是歲兩都米斛不滿錢三百

絹匹亦如之海內富安行萬里不持寸兵

以呂祖謙標目脩

解題曰葉適曰史稱玄宗始終之異性習相遠以開

元治而天寶亂也開元不得言治但盛耳韓愈言高

祖太宗既除既治高宗中睿休養生息至於玄宗受

報收功極熾而豐物衆地大蘖芽其間是唐人之論
本以開元為盛不以為治也高宗中睿六十年中父
母骨肉相戕殺幾盡存者性命如絲髮爾玄宗以諸
王殺韋后便超冢嫡以監國誅太平徑擅天下家禍
慘烈如此君臣皆以為功不以為畏也姚宋舊相止
三數歲自用李林甫遂至二十年蓋玄宗以豪俊之
資用人主利勢享國既久盛極而衰正自當爾不得
言始終異而性習遠也

唐玄宗明皇帝開元二十九年春正月丁酉立玄宗

帝廟

以新紀脩

夏五月求明道德經莊列文子者

以新紀脩

六月

吐蕃入寇

以朱熹綱目脩

秋七月乙亥伊洛溢

以新舊紀脩

八月乙

未特進羽林大將軍平盧兵馬使安祿山為營州都督

平盧軍使

以實錄舊史脩

冬十月壬寅分北庭安西為二節度

以呂祖謙標目脩

十一月辛未寧王憲薨諡曰讓皇帝

以呂祖謙標目

脩

十二月乙巳吐蕃陷石堡城

以呂祖謙標目脩

唐玄宗明皇帝天寶元年春正月丁未朔改元

以新舊紀通鑑

目錄

壬子分平盧為節度以安祿山為節度使時天下

置十節度經略使以備邊鎮兵四十九萬人

以呂祖謙標目脩

解題曰按舊史地理志大凡鎮兵四十九萬人戎馬

八萬餘疋每歲經費衣賜則千二十萬疋軍食則九

十萬石

通鑑考異曰此兵數唐歷所載也舊紀是歲天下健兒團結彊騎等五十七萬四千七百

三十三此蓋止言邊兵

安西節度

治龜茲城兵三萬馬二千七百

寧西域統龜茲焉耆

東八百里

于闐

南二千里

疎勒

西二千餘里

國北庭節度

治北庭都護府兵二萬馬五千

防制突騎施

西北三千餘里

堅

昆

北七千里

管瀚海

在城內兵一萬二千馬四千二百

天山

西州城內兵五千馬五百

伊吾

伊州西北三千里兵三千馬三百

三軍河西節度

治涼州兵七萬三千馬萬

九千斷隔羌胡統赤水

在城內兵三萬三千馬萬三千

大斗

西二百里餘兵

七千五百馬

建康

西二百里兵五千馬五百

寧寇

瓜州西北兵五千馬四百

玉門

肅州西二百里兵五千二百馬六百

墨離

瓜州西北兵五千馬四百

豆盧

在沙

州兵四千三百馬四百

三守捉朔方節度

治靈州兵六萬四千七百馬四千三百

捍禦北狄統經畧軍

治城內兵二萬七百馬二千

豐安軍

在西黃河外兵

八千馬

定遠城

東北三百里兵七千馬三千

西受降城

在豆州兵七千馬千

七 東受降城

在勝州東北二百里
兵七千馬千七百

安北都護

治中受降城兵

六千馬

振武軍

在單于都護府城內
兵九千馬千六百

七軍河東節度

治太原府兵五萬
五千馬萬四千

掎角朔方統天兵

治城內兵三萬
馬五千五百

大同

代州北三百里兵九千五百馬五千五百

橫野

蔚州東北一百四十里兵三千馬千八百

岢嵐

嵐州北一百里兵一千

四軍忻

兵七千八百

代

兵四千

嵐

兵三千

三州

雲中守捉

單于府西北二百里
兵七千七百馬三千

范陽節度

治幽州兵九萬一千

馬六千五百

臨制奚契丹統經畧

在薊州城內兵萬六千馬五百

威武

州

兵萬人馬三百

清夷

在媯州兵萬

靜塞

在薊州兵萬

恒陽

州

城東兵六千五百
北平
定州城西兵六千
高陽
在易州兵六千
唐興
在莫州兵六千

橫海
在滄州兵六千
九軍平盧軍節度
治營州兵三萬七千五百馬

鎮撫室韋靺鞨統平州
兵萬六千馬四千二百
盧龍
在平州兵萬馬五百

二軍榆關守捉
城西北兵四百八十
安東都護府
東二百七十里

兵八千五百馬七百
隴右節度
治鄯州兵七萬五千馬萬六千
備羌戎統臨洮

洮州兵萬五千馬八千
河源
西二百二十里兵四千馬六百五十
白水
西北二百三十里兵四千

千馬五百
安人
州界兵萬馬三百五十
振威
西三百里兵千
威戎
西北三百五十里兵

千馬五十
莫門
洮州兵五千
寧塞
廓州兵五千
積石
廓州西北八十里

里兵七千
馬三百
鎮西
在河州兵萬一千馬三百
十軍綏和
西南二百五十里兵千

合川
南百八十里兵千
三守捉劍南節度
治成都府兵三萬九百馬二千
西

撫吐蕃南撫蠻獠統團結營
在城內兵萬四千馬八百唐制差點土人春夏

歸農秋冬追集給身糧醬菜者謂之團結
及松
兵二千八百
維
兵四百
蓬
兵五百
恭

雅
兵四百
黎
兵三百
姚
兵三百
悉
兵五百
八州兵
翼州兵五百拓州兵三百

兵五百當
天寶
恭州東南九十里兵千
平戎
城在恭州南八十里兵千
昆明

舊州南兵五千
二百馬二百
寧遠
城在舊州西兵三百
澄川守捉
在姚州東六百里兵

二千
南江
郡兵三百
等六軍鎮嶺南五府經略使
治廣州兵萬五千四

百綏靜夷獠統經略

在城內兵五千四百

青海在恩州二軍桂

管

兵千容管

兵一百安南都護府治交州

邕管兵千四經

略使長樂經略使

兵五千東萊守捉

兵千東牟守捉

德之後中原用兵刺史皆治軍戎遂有防禦團練制

置之名要衝大郡皆有節度之額寇盜稍急則易以

觀察之號

新地理志關內道華州鎮國軍商州興平軍鳳翔府普潤縣保義軍隴州義寧軍武

州白草軍廊州肅戎軍靈州朔方軍經略軍黃河外

豐安定遠新昌等軍會州新泉守捉鹽州保塞軍夏

宣義軍陳州忠武軍汴州宣武軍登州東牟守捉萊
州東萊守捉蓬萊鎮兵河東道河中府耀德軍太原
府天兵軍嵐州守捉嵐谷縣岢嵐守捉忻州守捉代
州守捉大同軍天安軍代北軍雲州雲中樓煩二守
捉蔚州天成軍清塞軍河北道孟州河陽軍相州昭
義軍鎮州恒陽軍滄州橫海軍景州南皮縣唐昌軍
定州義武軍北平軍易州高陽軍滿城縣永清軍幽
州經畧軍納降軍安塞軍石堆等四成昌平縣防禦
軍莫州唐興軍渤海軍平州盧龍軍柳城軍溫溝等
十二成媯州清夷軍堆北等四鎮兵橫河柴城二成
懷柔軍在媯蔚之境懷戎縣寧武軍廣邊軍檀州威
武軍鎮遠軍臨河黃崖一戍燕樂縣東軍北口二守
捉薊州靜塞軍雄武軍洪水鹽城守捉玉田縣壕門
等七戍營州平盧軍鎮安軍渝關守捉汝羅等四守
捉安東都護府安東守捉懷遠軍保定軍山南道江
陵府永安軍成州靜戎軍隴右道河州鎮西軍天成

軍振威軍平夷守捉鄯州安人軍威戎軍綏和合川
守捉鄯城縣河源軍白水軍天威軍蘭州榆林軍臨
州臨軍洮州莫門軍神策軍廓州寧邊軍威勝軍金
天軍武寧軍曜武軍達化縣積石軍黃沙戍宕州懷
道縣蘇董戍涼州赤水軍大斗軍烏城張掖交城守
捉白亭軍姑臧縣明威戍武安戍昌松縣白山戍沙
州豆盧軍瓜州墨離軍晉昌縣百帳守捉豹文山守
捉甘州建康軍蓼泉守捉刪丹縣寧寇軍肅州酒泉
威遠二守捉城玉門縣玉門軍伊州伊吾軍納職縣
陸羅護赤亭獨山守捉西州天山軍張三城守捉交
河縣石會漢戍北庭都護府瀚海軍清海軍沙鉢城
馮洛耶勒城俱六城張堡城烏宰守捉清鎮軍城葉
河黑水東林西林守捉輪臺縣靜塞軍安西都護府
保大軍蘭城坎城二守捉城蔥嶺守捉榆林等六守
捉江南道潤州丹陽軍昇州江寧軍石頭鎮兵下蜀
淮山二戍蘇州長洲軍杭州餘杭軍鎮海軍烏山戍

睦州三河戍越州義勝軍靜海軍明州上亭戍福州
經畧軍寧海軍宣州采石軍當塗縣采石戍南陵縣
鵲頭鎮兵洪州南昌軍江州湖口盆城二戍鄂州武
昌軍虔州猶口鎮兵百丈戍潭州漾口花石二戍槁
口鎮兵衡州戎分洞口平陽二戍永州麻田鎮兵雷
石盧洪二戍劍南道成都府天征軍彭州威武軍羊
灌田等三守捉當風戍導江縣鎮靜軍白沙守捉木
瓜三奇戍蜀州鎮靜軍漢州威勝軍嘉州犍為等二
十二鎮兵邛州鎮南軍火井縣鎮兵資州安夷軍犛
州昆明軍寧遠軍雅州和川等四鎮兵榮經縣金湯
軍靜寇軍黎州洪源軍定蕃等三鎮兵茂州威戎軍
翼州合江等三守捉隴東等五鎮兵維州通化軍乾
溪等九守捉通耳等六守捉寧塞姜維二鎮兵戎州
石門等十一鎮兵姚州登川南江二守捉松州松當
軍恭州平戎軍保州天保軍遂州靜戎軍榮州威遠
軍嶺南道廣州經畧軍屯門鎮兵韶州始興縣安遠

鎮兵恩州清海軍崔州金城縣勤連鎮兵邕州經畧
軍欽州西零戍桂州經畧軍容州經畧軍驩州越裳
縣浦陽戍安南
都護府經畧軍

陳王府參軍田同秀言玄元皇帝降于丹鳳門得靈符
於故函谷關二月丁亥加上尊號辛卯享玄元皇帝于

新廟甲午享于太廟丙申合祭于南郊

以新紀脩

改三省官

名東都北都為京州為郡刺史為太守

以通鑑脩

三月以長

安令韋堅為陝郡太守領江淮租庸轉運使監察御史

王鉞為戶部員外郎

以通鑑脩

秋七月癸卯朔日有食之

以通

鑑脩 辛未牛仙客薨八月丁丑刑部尚書李適之為左相

以舊紀脩 突厥阿布思等來降以呂祖謙標目脩 冬十二月隴右節

度使皇甫惟明河西節度使王倕破吐蕃以新紀脩

唐玄宗明皇帝天寶二年春正月乙卯作昇仙宮丙辰

加號玄宗皇帝曰大聖祖改西京玄宗廟曰太清宮東

京曰太微宮夏四月丁亥皇甫惟明克吐蕃洪濟城以新紀

脩紀

解題曰通典洪濟城在達化西二百七十里

五月辛丑以贊善大夫楊慎矜為諫議大夫

以通鑑脩

六月

甲戌震東京應天門災

新紀

唐玄宗明皇帝天寶三載春正月丙申朔改年曰載

新

舊紀脩

二月庚寅皇太子更名亨

以舊紀脩

三月己巳安祿山

兼范陽節度使

以呂祖謙標目脩

秋八月突厥拔悉密殺烏蘇

可汗國人立白眉可汗回紇葛邏祿攻拔悉密殺之自

稱可汗

以呂祖謙標目脩

冬十二月納壽王瑁妃楊氏於後宮

以呂祖謙標目脩

初令百姓十八為中二十三成丁

唐玄宗明皇帝天寶四載春正月回紇攻突厥白眉可

汗殺之盡有其故地

以通鑑脩

解題曰突厥國於後魏太統時至是滅後朝貢皆舊

部九姓云

二月己酉朔方節度使王忠嗣兼河東節度使

以通鑑脩秋

八月楊氏為貴妃

以舊紀脩

大水

以舊紀脩

九月御史中丞楊慎

矜為江淮租庸轉運使

以通鑑脩

安祿山擾奚契丹奚契丹

叛

以新紀通鑑脩

是歲以戶部郎中王鉞為御史中丞京畿關

內采訪黜陟使

以新傳脩

唐玄宗明皇帝天寶五載春貶刑部尚書韋堅皇甫惟

明為太守尋殺之

以呂祖謙標目脩

王忠嗣為河西隴右節度

使兼朔方河東節度使

以通鑑脩

夏四月庚寅李適之罷丁

酉門下侍郎陳希烈同平章事適之尋貶死

以新舊紀脩

五

月壬子朔日有食之

以新紀

冬十二月殺贊善大夫杜有鄰

驍衛兵曹柳勣等

以新紀脩

唐玄宗明皇帝天寶六載春正月殺北海太守李邕淄

川太守裴敦復

以呂祖謙
標目脩

戊寅安祿山兼御史大夫王

忠嗣數言祿山必反李林甫惡之

以通鑑脩

三月甲辰陳希

烈為左相

新紀

夏四月王忠嗣解河東朔方節度使

以通鑑脩

冬十月改溫泉宮為華清宮

以實錄
通鑑脩

徵王忠嗣十一月

辛卯以隴右節度副使哥舒翰為節度使朔方節度使

安思順為河西節度使

以通鑑脩

丁酉殺戶部侍郎楊慎矜

兄弟

以舊紀
通鑑脩

解題曰按舊史列傳慎矜兄少府少監慎餘弟洛陽

令慎名新紀皆以為弟誤也事見通鑑

十二月己巳以安西副都護高仙芝為安西四鎮節度使李林甫欲杜邊帥入相之路奏用寒族胡人至是諸道節度盡用胡人精兵咸戍北邊天下之勢偏重卒使

祿山傾覆天下

以呂祖謙
標目脩

解題曰范祖禹曰蔽於吞滅四夷欲求一切之功是以林甫得行其計人君苟不能以義制欲迷而不復何所不至哉事見通鑑

唐玄宗明皇帝天寶七載夏四月辛丑高力士加驃騎

大將軍

以通鑑脩

解題曰按舊史力士傳李林甫李適之蓋嘉運韋堅楊慎矜王鉞安祿山安思順高仙芝因之而取將相高位其餘不可勝紀春宮呼為兄諸王公主呼阿翁駙馬輩呼為爺新史列傳李林甫牛仙客知帝憚辛東都乃賦粟助漕及用和糴法數年國用稍充力士侍帝曰我不出長安且十年海內無事朕將吐納導

引以天下事付林甫若何力士對曰天子順動古制也賦粟充漕臣恐國無旬月蓄和糴不止則私藏竭逐末者衆又天下柄不可假人威權既振孰敢議者帝不悅力士頓首自陳狂易語謬當死帝為置酒由是還內宅不復與事事見通鑑胡寅曰力士審能為明皇忠計者密主張九齡而去李林甫佐佑王忠嗣而去安祿山可也既不能然反使安李因已以取將相他日雖有大柄假人擁兵太重之說亦安能回二人已

成之勢哉不謹於大而謹於小知所以保身而不知所以保國此固小人之常態但力士得譽於當時無疾之者故不可不辨

五月壬午加上尊號

以新舊紀脩

六月賜安祿山鐵券

通鑑甲

辰以度支郎中楊國忠為給事中御史中丞判度支事

王鉞加戶部侍郎

以通鑑新舊傳脩

唐玄宗明皇帝天寶八載夏四月殺咸寧太守趙奉璋

以新紀脩

五月癸酉李林甫奏停折衝府上下魚書

以通鑑脩六

月乙卯哥舒翰克石堡城

以呂祖謙
標目脩

解題曰石堡之陷八年矣至是乃復至德初又失之

閏六月丙寅帝謁太清宮加玄元皇帝號及諸帝后謚

丁卯加上尊號

以新舊
紀脩

始禘祫于太清宮

朱熹
綱目

唐玄宗明皇帝天寶九載春正月羣臣請封西嶽許之

既而關中旱西嶽祠災乃罷

以朱熹
綱目脩

夏五月乙卯爵安

祿山東平郡王唐將帥封王自此始

以呂祖謙
標目脩

秋八月

安祿山兼河北採訪處置使

以通
鑑脩

解題曰按理道要訣開元已來每道主兵處方有節度使別置度支營田使以給軍須其按俗澄清又別有採訪處置使更相檢制各得竭盡因有節將立勲承寵朝廷嘉尚復務簡省度支營田事務悉以兼之其後便為成規續又總採訪之任所以外權日重成幽陵之兇勢此事已罷五十餘年固不可再復但如實應永泰之際有事委租庸兼之不必明下制勅因事漸收外權

朔方軍毆其判官癸亥貶節度使張齊邱為濟陰太守

以通鑑
目錄脩

解題曰自募丁壯充邊軍而其弊見矣事見通鑑

冬十月得妙寶真符時所在爭言符瑞

以呂祖謙
標目脩

解題曰尹喜宅之符人固謂田同秀之所為也紫微
山之符則按問而知其詐矣今妙寶真符殆亦前日
之類爾而帝猶不之悟耶事見通鑑

安祿山誘殺奚契丹辛未入朝獻俘

以呂祖謙
標目脩

庚辰復

張易之兄弟官爵

以通鑑脩

十二月高仙芝誘虜石國王

以呂

祖謙標

目脩南詔鳳閣羅反

以呂祖謙標目脩

唐玄宗明皇帝天寶十載春正月壬辰朝獻太清宮癸

巳朝享太廟甲午祀南郊

以新紀脩

丁酉李林甫兼朔方節

度副大使

以新紀脩

二月丙辰安祿山兼河東節度使

以通鑑脩

夏四月壬午劍南節度使鮮于仲通討南詔敗績復募

兵擊之

以呂祖謙標目脩

解題曰天下之禍莫大於用兵成敗而主不知漢武

帝輪臺之詔萬里外如家人父子對面語所以行兵三十年而國不亡明皇喪師十萬而國忠更以捷聞壅蔽如此宜其養成大禍也事見通鑑

秋七月高仙芝擊大食敗績

以呂祖謙標目脩

八月丙辰武庫

災

新紀

安祿山擊契丹大敗

以呂祖謙標目脩

冬十一月楊國忠

領劍南節度使

以舊紀通鑑目錄脩

唐玄宗明皇帝天寶十一載春安祿山欲奪朔方節度

副使阿布思兵二月庚午阿布思叛

以新紀通鑑目錄脩

三月乙

已改吏兵刑部為文武憲部

以朱熹綱目脩

夏四月乙酉戶部

郎中王鐸京兆尹邢緯謀反伏誅丙戌殺御史大夫王

鈇

以新紀脩

庚子以安思順為朔方節度使

以通鑑脩

五月丙辰

京兆尹楊國忠加御史大夫京畿採訪等使

以通鑑脩

冬十

一月乙卯李林甫薨庚申楊國忠為右相兼文部尚書

以新紀脩

解題曰洪邁曰國忠為度支郎領十五餘使至宰相

領四十餘使第署一字不能盡胥吏恐為姦欺新舊

史皆不載其職案其拜相前銜云御史大夫判度支
權知太府卿事兼蜀郡長史劍南節度支度營田等
副大使本道兼山南西道採訪處置使兩京太府司
農出納監倉祠祭木炭宮市長春九成宮等使闕內
道及京畿採訪處置使拜右相兼吏部尚書集賢殿
崇玄館學士脩國史太清太微宮使餘自所領又有
管當租庸鑄錢等使

唐玄宗明皇帝天寶十二載春正月楊國忠注選人於

都堂一日而畢

以通鑑脩

解題曰通典按格令內外官萬八千八十五員而合

入官自諸館學生以降凡十二萬餘員其外文武貢

士及應制挽郎輦脚軍功使勞徵辟奏薦神童陪位

諸以親蔭并藝術百司雜直或恩賜出身受職不為

常員者不可悉類大率八九人爭官一員餘見通鑑

二月癸未追削李林甫官爵剖其棺

以通鑑脩

夏哥舒翰兼

河西節度使秋八月爵哥舒翰東平郡王

以通鑑目録脩

解題曰理道要訣十載翰入朝制以其兵馬使張濯
為劍南節度副使節度使則宰相楊國忠領之濯官
已至列卿詣翰第辭杖煞其不忘之甚亦凌上之漸
矣

九月甲寅葛邏祿葉護擒阿布思

以新紀脩

唐玄宗明皇帝天寶十三載春正月安祿山入朝加左

僕射兼閑廐隴右羣牧等使兼總監事

以舊紀通鑑脩

二月壬

申朝獻太清宮加玄宗皇帝號癸酉享太廟增祖宗謚

甲戌加上尊號

以新紀脩

解題曰崔鷗曰唐十八君其不加尊號者高祖太宗

睿宗文宗而已而開元天寶之間至六上尊號其臣

之諛亦甚矣而明皇安受而不辭其播越流離非不

幸也

漢光武詔天下上書不得言聖顯宗曰先帝詔書禁人言聖自今有過稱虛譽尚書宜抑而不

省所以能成建武永平之盛

事見通鑑

丁丑楊國忠為司空是日雨土

新紀

安祿山奏超加將士

賞

以舊紀脩

解題曰通典開元二十年以後邀功之將務恢封略

以甘上心將欲蕩滅奚契丹

信安王禕討奚契丹

剪除蠻吐蕃

喪師者失萬而言一勝敵者獲一而言萬寵錫云極
驕矜遂增哥舒翰統西方二師安祿山統東北三師
踐更之卒俱受官名郡縣之積罄為祿秩於是驍將
銳士善馬精金空於京師萃於二統邊陲勢強既如
此朝廷勢弱又如彼姦人乘便樂禍覬欲脅之以善
誘之以利祿山稱兵內侮未必素畜凶謀地逼則勢

疑力侔則亂起事理然也

開元初每歲邊費約用錢二百萬貫開元末已至一

千萬貫天寶末更加四五百萬按兵部格破敵戰功各有差等其授官千纔一二天寶以後邊帥怙寵便請授官易州遂成府坊州安臺府別將果毅之類每一制則同授千餘人其餘可知雖在人間無白身者關輔及朔方河隴四十餘郡河北三十餘郡每郡官倉粟多者百萬少不減五十萬石給充行官祿暨天寶末無不罄矣

三月哥舒翰復河源九曲尋置神策軍

以新紀及呂祖謙標目脩夏

六月乙丑朔日有食之不盡如鉤

以新紀脩

劍南節度留後

李宓擊南詔敗死

以新紀脩

解題曰胡寅曰楊國忠鮮于仲通開南詔之隙喪師
幾二十萬高仙芝擊大食喪師三萬安祿山討奚契
丹喪師六萬前此楊思勗討安南所殺十一萬夫為
天養人者天子之職也將帥殺之如此而明皇不知
失職久矣其能免乎事見通鑑

秋八月丙戌陳希烈罷文部侍郎韋見素為武部尚書

同平章事

以新紀脩

漚洛水溢

新紀

九月扶風太守房瑄言水

災坐貶

以呂祖謙標目脩

冬閏十月壬寅貶武部侍郎吉溫為

長史

以新史
列傳脩

解題曰按舊史傳明年溫又坐贓七千匹及奪人口
馬奸穢事發貶端州高要尉溫止於始興郡八月遣
大理司直蔣琬鞠之死獄中初溫之斥玄宗在華清
宮謂朝臣曰吉溫是酷吏子姪朕被人誑惑用之至
此屢勸朕起刑獄以作威福朕不受其言今去矣卿
等可安枕也餘見通鑑

是歲天下戶九百餘萬口五千餘萬

以稽古
錄脩

解題曰按理道要訣隋大業戶僅九百萬國家至天
寶末百三十年圖籍所收纔如隋氏舊數唐之盛合
踰西漢元始間而少三百萬直以選授多在藝文才

職相乖因習生弊親簿領謂之淺俗務根本目以迂
闊職事委於羣胥貨財行於公府而至此也通典天

寶中計帳戶約有八百九十餘萬計租稅庸調每歲

錢粟絹綿布約得五千二百二十餘萬端疋貫石

新史

食貨志揚州租調以錢嶺南以米安南以
絲益州羅紬綾絹供春絲江南以布代租
諸色資課

及勾剝所獲不在其中

據天寶中度支每歲所入端足貫石五千七百餘萬其資

課及勾剝等得四百六十餘萬新史食貨志云太府卿楊崇禮勾剝分銖

其度支歲計粟

則二千五百餘萬石布絹綿則二千七百餘萬端屯

疋錢則二百餘萬貫自開元及天寶開拓邊境多立

功勲每歲軍用日增其費糴米粟則三百四十萬疋

段給衣則五百二十萬別支計則二百一十萬

開元以前

每歲夷戎所用不過百萬貫自後經費日廣以至於此

而錫賚之費不與焉其

時錢穀之司唯務割制府藏雖豐閭閻困矣

尚書省度支總

天下經費至德乾元之際置度支使永泰度支置態使以掌其外度支以掌其內建中初又置轉運使復歸度支分命黜陟使往諸道收戶口及錢穀名數每歲天下共斂三千餘萬貫其二千五十餘萬貫以供外費九百五十餘萬貫供京師稅米麥共千六百餘萬石其二百餘萬石供京師千四百萬石給外費

唐玄宗明皇帝天寶十四載春二月辛亥安祿山請以

蕃將代漢將從之

解題曰祿山表請蕃將三十三人代漢將帝許之同平章事韋見素不悅謂國忠曰祿山反狀暴天下今又以蕃代漢難將作矣國忠不應見素曰知禍之牙

不能防見患之形不能制焉用彼相明日當懇論之
即入帝迎諭曰卿等有疑祿山意耶國忠見素趨下
具陳祿山反狀明甚詔復位因以祿山表置帝前乃
出帝命中官袁思藝傳詔曰此姑忍朕徐圖之由是
奉詔宋巨幸蜀記曰自是見素數奏其狀竇革曰祿山有精兵十萬
收西北良馬納之關中而兩都無誰何之夫祿山雖
無反心其可已耶惜乎見素但爭祿山之叛而不能
告明皇以守備不脩外重太甚又以蕃代漢縱祿山

不反貽後世子孫憂段秀實未嘗言朱泚反而請完
禁衛何害為明達君子哉若以知人反叛為明而不
知經國之大閑是王衍識石勒賢於江統也餘見通
鑑

夏六月徵祿山入朝不至冬十月庚寅帝幸華清宮十
一月甲子祿山反使節度副使賈循守范陽平盧節度
副使呂知誨守平盧乙丑襲殺太原尹楊光弼

解題曰按新史列傳實錄包胥河洛春秋李匡文幸

蜀記楊國忠謀授祿山同中書門下平章事召還朝以賈循代為范陽節度使呂知誨代為平盧節度使楊光翽為河東節度使制未下帝使中官輔璆琳賜大柑因察非常祿山厚賂之還言無他帝遂不召未幾事洩帝託他罪殺之自是始疑然祿山亦懼朝廷圖已每使者至稱疾不出嚴衛然後見黜陟使裴士淹行部至范陽再旬不見既而使武士挾引無復臣禮士淹宣詔還不敢言帝賜慶宗娶宗室女手詔祿

山觀禮辭疾甚獻馬三千疋騶勒自倍車三百乘乘
三士因欲襲京師河南尹達奚珣極言無內騶兵詔
可帝賜書曰為卿別治一湯可會十月朕待卿華清
宮使至祿山踞牀曰天子安穩否乃送使者別館使
還言曰臣幾死冬十一月反范陽詭言奉密詔討楊
國忠騰榜郡縣以高尚嚴莊為謀主孫季哲高邈張
通儒為腹心以同羅契丹室韋等衆號曰曳落河猶
言健兒以范陽平盧河東忠檀薊等衆號曰父子軍

馬步相兼十五萬號二十萬師行日六十里使賈循
主留務呂知誨守平盧高秀岩守大同燕老人扣馬
諫祿山使嚴莊好謂曰吾憂國之危非私也禮遣之
因下令有沮軍者夷三族凡七日反書聞帝方在華
清宮中外失色車駕還京師斬慶宗賜其妻康死榮
義郡主亦死下詔切責祿山許自歸祿山答書慢甚
巨可忍遣高邈臧均以射生騎二千馳入太原刼取
尹楊光翺殺之以張獻誠守定州祿山謀逆十餘年

凡降蕃夷皆接以恩有不服者假兵脅制之所得士
釋縛給湯沐衣服或重譯以達故蕃夷情偽悉得之
邈最有謀勸祿山取李光弼為左司馬不納既而悔
之憂見顏色久而曰史思明粗當之矣賊之未反邈
為謀聲進生口直取洛陽無殺光弼天下當未有知
者不從何千年亦勸令高秀巖以兵三萬從大同取
振武下朔方誘諸蕃取鹽夏廊坊使李歸仁張通義
以兵二萬道雲中取太原團弩士萬五千人取蒲關

以動關中勸祿山自將兵五萬梁河陽取洛陽使蔡希德賈循以兵二萬絕海收淄青以搖江淮則天下

無復事矣

漢吳王濞之反也吳臣田祿伯為大將軍曰兵屯聚而西無他寄道難以立功臣願得

五萬人別循江淮而上收淮南長沙入武關與大王會此亦一奇也吳王不許吳少將桓將軍曰吳多步兵步兵利險漢多車騎車騎利平地願大王所過城不下直去疾西據洛陽武庫食敖倉粟阻山河之險以令諸侯雖無入關天下固已定矣大王徐行留下城邑漢車騎至馳入梁楚之郊事敗矣王不用劉濞祿山以臣犯君天理不容人心不順田祿伯桓將軍高邈何千年固不足以知此然使其謀或售則為漢唐之害時兵暴起鎧仗皆穿朽鈍折不可用持挺鬪又甚矣

弗能亢吏皆棄城還禁衛皆市井徒既授甲不能脫

弓獨

弓衣音獨

劍繫

劍帶必減切

乃發左藏庫繒帛大募兵餘

見通鑑

壬申詔以安西節度使封常清為范陽平盧節度使丙子帝還宮太僕卿安慶宗伏誅以九原太守郭子儀為朔方節度副大使衛尉卿張介然為河南節度使

解題曰九原豐州按方鎮表河南節度使至德置領陳留睢陽靈昌淮陽汝陰譙濟陰濮陽淄川琅邪彭

城臨淮東海乾元元年廢置汴州都防禦使尋以滑
濮隸青密節度亳州隸淮西節度二年廢都防禦使
置汴滑節度領滑濮汴曹宋又置河南節度領徐泗
海亳潁以濮隸兗鄆節度潁亳隸鄭陳節度上元元
年海隸青密節度廢二節度以徐泗汴宋曹隸淮西
節度滑州隸滑衛節度寶應復置河南節度治汴州
領汴宋曹徐潁兗鄆濮大厯領泗州潁州隸澤潞節
度十一年廢曹兗鄆濮徐隸淄青節度宋潁泗隸永

平節度汴隸淮西節度建中置宋潁亳節度號宣武
軍興元徙治汴州

丁丑金吾大將軍高仙芝為兵馬副元帥屯陝祿山陷
河北諸郡常山太守顏杲卿起兵討賊十二月辛卯祿
山陷陳留郡張介然死之壬辰制徵朔方河西隴右兵
癸巳祿山陷滎陽郡太守崔無詖死之丙申封常清與
戰于罌子谷敗績丁酉陷東京留守李愔御史中丞盧
弈等死之高仙芝退守潼關己亥顏杲卿殺賊將克趙

鉅鹿等十四郡

解題曰竇革音訓嬰子谷在汜水西趙宋慶源府鉅鹿宋信德府也三輔記潼關隋大業七年移關於南北鎮城門抗檻谷去舊關四里餘天授二年移近北臨河為路開元十三年御製碑立於華岳祠前

癸卯殺常清仙芝以哥舒翰為兵馬副元帥守潼關

解題曰李匡文幸蜀記人臣為元帥自哥舒翰郭子儀房琯李光弼始事見通鑑

祿山將郭秀岩寇振武子儀遣都知兵馬使李光弼武
鋒使僕固懷恩等敗之

解題曰宋祁曰杜牧稱安思順為朔方節度使時郭
汾陽李臨淮俱為牙門都將二人不相能雖同盤飲
食常睇相視不交一言及汾陽代思順臨淮欲亡去
計未決旬日詔臨淮分半兵東出趙魏臨淮入請曰
一死固甘乞免妻子汾陽趨下持手上堂曰今國亂
主遷非公不能東伐豈懷私忿時邪及別執手涕泣

相勉以忠義訖平劇盜實二人之力知其心不叛知其心難也忿必見短知其材益難也唐仲友曰按顏真卿所作臨淮碑言天寶十三載為安思順朔方兵馬使思順請為婚辭不獲免託疾罷官哥舒翰奏歸京師十四年十一月祿山反明年正月起為河東節度使又按新書汾陽以十四載十一月以節度朔方臨淮以十五載正月節度太原則杜牧所載汾陽代安思順旬日復詔臨淮持節詔至臨淮入請死汾陽

持手上堂曰今國亂主遷非事實也臨淮居京師安有欲亡去事哥舒尚守潼關安有主遷事汾陽臨淮之命相去兩月亦非旬日也按李傳言郭子儀薦其能詔持節河東節度碑言臨淮以朔方馬步八千人出土門則臨淮入朔方軍汾陽分之兵皆當時實有之李郭不相能亦當如牧之所載汾陽棄怨舉能執手上堂及別執手涕泣相勉以忠義皆事實不如是無以為李郭也其曰欲亡去相免妻子者飾詞也


濟南太守李隨單父尉賈賁平原太守顏真卿東平太守嗣吳王祗起兵討賊

解題曰濟南今濟南路單父宋州縣平原今德州也河朔盡陷獨平原城守具備使司平參軍李平馳奏玄宗始聞亂歎曰河北二十四郡無一忠臣耶及平至帝大喜謂左右曰朕不識真卿何如人所為乃若是餘見通鑑蘇軾曰古之任人無內外輕重之異唐開元天寶間重內輕外當時公卿名臣非以罪責不

出守郡雖藩鎮帥守以為不如寺監之僚佐故郡縣多不得人祿山之亂河北皆降賊獨有一顏真卿而明皇初不識也此重內輕外之弊不可不為鑒

賈循謀以范陽歸國見殺

以實錄新舊紀通鑑脩



大事記續編卷五十八

欽定四庫全書

史部

大事記續編卷五十九
六十

詳校官檢討

臣朱依昊

編修

臣裴謙覆勘

總校官編修

臣倉聖脉

校對官助教

臣胡予襄

謄錄舉人

臣吳之承

欽定四庫全書

大事記續編卷五十九

明 王禕 撰

唐肅宗皇帝至德元載春正月乙卯安祿山稱燕帝改

元

以呂祖謙
標目修

丙辰以李隨為河南節度使

以通鑑修

壬戌賊

將史思明陷常山顏杲卿死之鄴廣平等郡復陷

以呂祖謙

修標目

解題曰祿山既反至藁城常山太守顏杲卿力不能

拒與長史袁履謙往迎之祿山輒賜杲卿金紫質其

子弟使仍守常山果卿歸途中指其衣謂履謙曰何為著此履謙悟其意乃陰與果卿謀起兵討祿山參軍馮虔前真定令賈深藁城尉崔安石郡人翟萬德內邱丞張通幽等皆預謀遣人語太原尹王承業密與相應會顏真卿自平原遣果卿甥盧逖潛告果卿欲連兵斷祿山後路以緩其西入之謀於是果卿以計擒賊將李欽湊高邈何千年千年謂果卿曰太守欲輸力王室既善其始當慎其終此郡應兵烏合難

以臨敵宜深溝高壘勿與爭鋒俟朔方軍至併力齊
進傳檄趙魏斷燕薊腰脅彼賊成擒矣今且聲言李
光弼引步騎一萬出井陘且張獻誠方將五郡團結
兵圍饒陽使人說獻誠云足下所將皆團練之人
無堅甲利兵難以當山西勁卒彼必解圍遁去此亦
一奇也果卿用其計獻誠果遁去果卿乃使人入饒
陽城慰勞將士并徇諸郡云大軍已下井陘朝夕當
至先平河北諸郡先下者賞後至者誅河北響應者

十七郡皆歸朝廷兵合二十餘萬其附祿山者范陽
盧龍密雲漁陽汲鄴六郡而已至德元載杲卿使其
子泉明賈深獻李欽湊首及何千年高邈於京師張
通幽泣請曰通幽兄陷賊乞與泉明偕行以救宗族
杲卿哀而許之至太原杲卿欲自託於承業乃教以
留泉明等更其表自以為功而毀短杲卿別遣使獻
之杲卿起兵纔八日守備未完史思明蔡希德引兵
至城下杲卿告急於承業承業既竊其功擁衆不救

杲卿晝夜拒戰糧盡矢竭城遂陷杲卿及履謙皆被
執王承業使至京師玄宗大喜拜承業為羽林大將
軍徵杲卿為衛尉卿朝命未至而城已陷杲卿至洛
陽祿山數杲卿反罪杲卿瞋目罵曰汝本營州牧羊
羯奴天子擢汝為三道節度使恩幸無比何負於汝
而反我世為唐臣祿位皆唐有豈從汝反耶我為國
討賊恨不斬汝何謂反也臊羯狗何不速殺我祿山
大怒并履謙等縛於中橋柱剮之二人比死罵不虛

口顏氏一門死於刀鋸者三十餘人

癸亥李光弼為河東節度使甲子加哥舒翰左僕射同

平章事

舊紀

解題曰按新史志貞觀八年僕射李靖三兩日一至中書門下高祖已後為宰相者必加同中書門下三品當時武帥得此者絕希今翰以左僕射同平章事蓋責任方重故也及憲宗時王鐸為河東節度使求無宰相權德輿等執不可以為方鎮帶宰相必有大

忠若勲否則強不制者不得與之事乃止懿僖以後
用以寵方鎮雖桀賊奴材不問可以觀世道矣事見
通鑑

南陽太守魯炆為南陽節度使

以新紀修

解題曰是載置襄陽南陽防禦使尋升南陽為節度
使置興平節度使領上洛安康武當房陵二載廢升
襄陽為山南東道節度領襄鄧隨唐安均房金商上
元廢興平節度寶應金商隸京畿興元置金商都防

禦使貞元元年鄧州隸都畿三年山南東道領復州
十年安州隸奉義元和十年置唐隨鄧節度治唐州
十一年治隨州十二年廢還山南東道光啟升金商
都防禦使為節度是年罷為昭信軍防禦使文德賜
山南東道號忠義軍光化升昭信軍為節度天祐賜
號戎昭軍增領均房又更曰武定軍三年忠義軍復
為山南東道廢武定軍均房隸山南東道

乙丑安祿山遣其子慶緒寇潼關哥舒翰擊却之

以舊
紀修

二月李光弼取常山史思明救之敗走

以通鑑修

真源令張

巡守雍丘

通鑑

解題曰真源亳州縣

庚子賈賁與賊將令狐潮戰死之三月巡敗之

以新紀通鑑修

戊辰以靈昌太守嗣吳王祗為河南節度使

以通鑑修

壬午

李光弼為范陽長史河北節度使

以舊紀修

加戶部侍郎河

北防禦使顏真卿為採訪使真卿克魏郡

以通鑑修

夏四月

甲午郭子儀李光弼與史思明戰於九門大敗之庚子

克趙郡

以新紀
通鑑修

解題曰九門常山郡縣或曰土門

以平盧遊奕使劉正臣為節度使安東將王玄志為副

大都護

以通鑑修

五月丁巳魯炅潰於泚水以夷陵太守號

王巨為河南節度使

以新紀
傳修

解題曰鄭樵曰泚水出汝州魯山縣東過犍縣故城

北疑犍後來并入葉西北過定陵入於汝定陵潁昌

府舞陽也

壬午郭子儀李光弼擊史思明於嘉山大破之河北十

餘郡復降

以通鑑修

解題曰竇革音訓嘉山屬定州河洛春秋光弼頓軍
恒陽樵採往來難趙州司戶包處遂曰昔秦趙爭山
先居者勝宜出有脅力者五萬被甲兩重陌刀各一
東山高峻先令五千上設伏後出二千人山東取糧
賊追之奔山上伏兵與鼓一百面山上避賊百姓壯
者亦與器械令隨大軍賊必圍山城內出五萬人將

二人各領二萬人一將於南面一將於北門賊營在
山東其軍夜出去賊三十里行張左右翼以天曉合
圍每二十五人爲隊每隊置旗二纛纛鼓子一圍落
纔合則動鼓子然後於城東門出一萬人布掌底陳
山上亦擊鼓而下齊攻之光弼然此計乃出人取糧
賊果來襲即奔山上依前計大破賊於嘉山餘見通鑑

楊國忠逼哥舒翰進兵六月庚寅與賊將崔乾祐戰於

靈寶西原大敗翰降賊

解題曰王師古曰翰之敗雖曰制於朝廷而明皇用國忠之計置翰於死地要之翰不能守所見以畏法而行殊不知行亦死不行亦死與其行而死以敗國事不若不行而死以全百萬之師為國家計也使李牧趙充國李忠嗣處之吾知其必不墮姦人術中以敗國殄民矣事見通鑑

靈寶陝州縣漢弘農縣在西北故函谷關

乙未帝西幸丁酉次馬嵬楊國忠及貴妃皆伏誅

解題曰按新史列傳安祿山反玄禮謀誅楊國忠關
下不果至馬嵬卒誅之餘見通鑑

留太子討賊西京陷陳希烈等降賊丙午次河池郡以

劍南節度副大使崔圓為中書侍郎同平章事

以新舊
紀通鑑

呂祖謙
標目修

戊申安祿山遣其將孫孝哲入長安

通鑑太子自

豐寧趨靈武

以新
紀修

解題曰庚戌次豐寧見大河之險將保之會大風迴

趨靈武餘見通鑑

豐寧屬
靈州

劉正臣襲范陽史思明擊敗之

以通鑑修

秋七月甲子帝次

晉安郡以憲部侍郎房瑄為文部侍郎同平章事

以新紀修

解題曰晉安宋隆慶府

太子亨即皇帝位於靈武尊皇帝為上皇天帝大赦改

元御史中丞裴冕為中書侍郎同平章事

以新紀修

解題曰往年玄宗嘗欲使太子監國貴妃銜土請命

而止今太子之東也又嘗宣旨傳位特逡巡未敢受

爾韋見素諸人懽不見事既無以啟玄宗之斷而裴

冕輩急於富貴又未免陷太子於欲速之域他日永
王璘之反未必不以是藉口也事幾一差使父父子
子兄兄弟弟俱不得其正可不畏哉事見通鑑宋庠
紀年通譜至德本陳長城公年號

丁卯上皇以太子為天下兵馬元帥都統朔方河東河
北平盧節度使永王璘盛王琦豐王珙皆為諸道節度

惟璘之鎮

以新紀
通鑑修

解題曰按司空圖詩注云祿山見詔書令諸王分鎮

撫膺歎曰吾不得天下矣圖當時必有所聞新史通鑑皆遺闕此語餘見通鑑平盧見開元二年幽州節

度使解題

安祿山殺妃主皇孫

以通鑑修

唐午上皇次巴西郡以太守

崔渙為門下侍郎同平章事韋見素為左相

以新紀修

解題曰巴西今綿州

賊寇扶風太守兼防禦使薛景仙擊却之

以通鑑修

庚辰上

皇次蜀郡

以新紀修

令狐潮圍雍邱張巡大破之

以通鑑修

顏真

卿為工部尚書兼御史大夫

以通鑑修

郭子儀李光弼將兵

至靈武八月壬午朔以子儀為武部尚書靈武長史光

弼為戶部尚書北都留守並同平章事光弼殺侍御史

崔衆

以舊紀通鑑修

解題曰按新舊史列傳時節度王承業軍政不修侍

御史崔衆主兵太原慢易承業光弼聞之素不平至

是衆交兵於光弼衆素狂易見光弼長揖又不即交

兵光弼怒收繫之會中使至拜衆御史中丞懷其勅

問衆所在光弼曰衆有罪收繫之矣中使以勅示光
弼光弼曰今日祇斬侍御史若宣制命斬中丞若拜
宰相亦斬宰相中使懼而還翌日斬衆威振三軍餘
見通鑑孫輔曰將帥專閫外之寄固當行法尚威以
制服將士若天子所遣之使則非可以將士例待也
當是時靈武初基將帥盡忠以奉王室尚慮不能起
盛大之勢安得為強橫之態以輕朝廷也衆驕慢信
有罪矣曷不論奏乞行國法而遽以軍法從事朝廷

方擢其人乃堅拒王命何強橫之甚也光弼功高諸將晚以讒間大節微虧由不能去強橫之態也

賊將逼雍丘張巡擊破之

以通鑑修

己亥上皇命韋見素房

琯崔渙奉皇帝冊詣靈武

以新紀修

九月壬子史思明陷趙

郡常山

以通鑑修

以廣平王俶為天下兵馬元帥京兆李泌

為侍謀軍國元帥府長史

以通鑑修

遣使請兵回紇

以通鑑修

解題曰葉適曰祿山始亂起於倉猝雖極可畏然未至無可經營就使巴蜀奔播靈夏單弱若處置得宜

年歲自定無故增立諸節度使次徧滿四方不知天下本何嘗分裂而自作分裂借回紇諸蠻兵與祿山交鬪不知夷狄本未至侵凌而名其侵凌坐此二失百六十年與之始終祿山安能壞唐唐自壞爾事見通鑑

南詔陷越雋

以通鑑修

冬十月辛巳朔日有食之癸未帝次

彭原

以新紀修

解題曰彭原今寧州

初令御史諫官言事不先白大夫宰相宰相分直政事

筆

以新紀
通鑑修

始鬻爵度僧尼

新紀

江淮租庸使第五琦加山

南等五道支度使作權鹽法

以通
鑑修

解題曰按新史列傳琦遷司金郎中兼侍御史諸道

鹽鐵錢使鹽鐵名使自琦始餘見通鑑

以房瑄招討西京

以新紀
修

以賀蘭進明為河南節度使

以呂

祖謙標
目修

甲申賊將令狐潮攻雍丘張巡大敗之

以新紀
修

房

瑄及賊將安守忠戰於陳濤斜敗績

以通
鑑修

解題曰按新舊史列傳琯分三軍楊希丈將南軍自

宜壽

即臨
屈縣

又劉愬將中軍自武功入李光進將北軍

自奉天入琯身為中軍先鋒庚子次便橋

在咸陽
西十里

辛

丑中軍北軍遇賊陳濤斜

在咸
陽縣

戰不利琯欲持重有

所伺中人邢延恩促戰故敗琯用春秋戰法以車二

千乘繚營騎步夾之賊順風揚塵鼓譟牛皆震駭因

縱火焚之人畜撓敗殺四萬餘人存者數千而已癸

卯琯又率南軍即戰復敗希文愬並降賊餘見通鑑

史思明陷河北顏真卿南走

以呂祖謙
標目修

十一月戊午郭

子儀以回紇兵擊同羅部於榆林河破之

以通鑑
修

解題曰榆林河即勝州河也

遣崔渙宣慰江南知選舉

以呂祖謙
標目修

十二月甲辰遣山

南東道嶺南黔中江南西道節度都使永王璘朝於蜀

遂反自江陵東下淮南節度使高適淮南西道節度使

來瑱江東節度使韋陟討之廢璘為庶人

以紀
傳脩

解題曰山南見是年南陽節度使解題嶺南元載升

五府經略使為節度使領廣韶循潮康瀧端新封春
勤羅潘高思雷崖瓊振儋萬安藤治廣州咸通分為
東西道改曰嶺南東道節度乾寧號清海軍黔中天
寶十四載五溪經略使增領守捉使大厯四年置辰
溪巫錦業都團練守捉觀察處置使置辰州十二年
置黔州經畧招討觀察使領黔施夷辰思費淑播南
漆珍錦治黔州貞元增領獎溪元和領涪州大順賜
號武泰軍節度光化涪州隸武貞節度又復徙治涪

州江南西道至德置江東防禦使治杭州乾元元年
置浙江西道節度使領昇潤宣歙饒江蘇常杭湖治
昇州尋徙蘇州副使治杭州二年廢置觀察處置都
團練守捉使治蘇州上元徙治宣州罷領昇州大厯
元年罷領宣歙十四年合浙江東西道置都團練觀
察使以所管州隸西道建中二年合二道置節度使
治潤州尋號鎮海軍貞元三年分爲二道復置都團
練觀察使領潤江常蘇杭湖睦治蘇州四年江州隸江

西大中復置鎮海節度文德置忠國軍節度使治湖州龍紀置杭州防禦使景福元年杭州號武勝軍防禦使二年陞為都團練觀察使尋廢徙鎮海節度使治杭州淮南至德元載置領揚楚滁和壽廬舒光蘄安黃申沔治揚州尋以光州隸淮西乾元沔州隸鄂岳壽州隸淮西永泰蘄黃隸鄂岳建中增領泗州四年置壽州團練使興元罷領豪壽廬升壽州為都團練觀察使領壽豪廬貞元淮南復領廬壽以泗州隸

徐泗廢壽州為團練使十六年置舒廬滁和都團練使隸淮南元和泗州隸武寧節度使十三年淮南增領光州長壽增領宿州大和宿州隸武寧咸通增領濠州十年濠州隸武寧天祐廢舒廬滁和都團練使置光州防禦使

張巡移守寧陵與睢陽太守許遠擊賊大破之以巡為

河南節度副使

以通鑑修

解題曰寧陵宋州縣

是歲吐蕃陷威戎等軍石堡等城

以呂祖謙
標目修

嶺南獠梁

崇牽陷容州

以新
紀修

唐肅宗皇帝至德二載春正月帝出居於彭原

以春
秋修

皇詔憲部尚書李麟同平章事遣崔圓赴彭原

以舊
通鑑修

河西兵馬使蓋庭倫殺節度使周祕度支判官崔偁平

之

以新紀
通鑑修

安慶緒弑其父祿山稱帝

以呂祖謙
標目修

殺子建

寧王倓

呂祖謙
標目

張巡奔睢陽破賊將尹子奇

以呂祖謙
標目修

劉正臣卒

以朱熹
綱目修

二月戊子帝次鳳翔隴右河西安西

西域之兵皆會李泌請先取范陽不從

以新舊紀呂祖謙標目修

解題曰按新史列傳李鄴侯家傳初帝從容問破賊期泌對曰賊掠金帛子女悉送范陽有苟得心渠能定中國耶華人為之用者獨周摯高尚等數人餘皆脅制偷合不出二年無寇矣陛下無欲速王者之師當務萬全圖久安肅宗曰何謂也曰逆胡將則史思明安守忠田乾真阿史那承慶張志忠皆善戰有謀今已令李光弼守太原出井陘郭子儀取馮翊入河

東則思明志忠不敢離范陽常山守忠乾真不敢離
長安是以三地禁其四將隨祿山者獨承慶耳賊亦
不能東南略地矣使子儀毋取華令賊得通關中則
北守范陽西救長安奔命數千里其精卒勁騎不逾
年而弊我以逸待勞來避其鋒去剪其疲以所徵之
兵會扶風帝幸鳳翔蓋用泌之策也與太原朔方軍共擊之來春
命建寧王為范陽節度大使北竝塞與光弼南北犄
角以取范陽賊失巢穴當死河南諸將手帝然之既

達扶風旬日而安西北庭及大食寧遠諸國兵皆會
江淮庸調亦至梁洋成都信使絡繹長安人聞車駕
至從賊中自拔而來日夜不絕泌請如前策收歸檀
南取范陽帝欲得長安曰戰必勝攻必取何暇千里
先事范陽乎泌曰必得兩京則賊再強我再困且我
所恃者磧西突騎西北諸戎耳若先取京師期必在
春關東早熟馬且病士皆思歸不可以戰賊得休養
士徒必復南來此危道也莫若用於寒鄉皆除巢穴

使賊無所歸帝曰朕切於晨昏之戀不能待此決矣復

兩京後當更圖之餘見通鑑

葉適曰肅宗之失不在於先復兩京在於復兩

京之後耳朝廷之命勅於奄士忠臣義士挫於姦邪懷恩分樹二帥之後唐事無可為者矣

郭子儀取河東郡賊將蔡希德等圍太原李光弼大破

走之

以通鑑修

丁酉關西節度兵馬使郭英乂及安守忠戰於

武功敗績

以新紀修

安慶緒以史思明為范陽節度使

以列傳通

鑑修

解題曰賈循既死祿山以牛廷介知范陽軍事今慶

緒更以廷介領安陽軍而思明節度范陽以其有定河北之功也餘見通鑑

戊戌庶人璘伏誅

以新紀修

解題曰通鑑考異云新舊紀傳實錄唐歷皆不見璘敗時在何地唯云璘進至當塗若在當塗不應登城望見瓜步李白永王歌云龍盤虎踞帝王州帝子金陵訪古邱似已據金陵但諸書別未有所見今按新舊傳所載璘兵敗於新豐

新豐在建康府

遂南奔鄱陽璘敗

在金陵顯然陸贄玄宗遺編錄亦載永王璘於江寧將為逆而考異云然何邪事見通鑑

庚子郭子儀破賊於潼關既而復敗

以舊紀通鑑修

三月韋見

素裴冕罷憲部尚書致仕苗晉卿為左相新紀上皇遣使

祭張九齡

以通鑑修

郭子儀敗安守忠於河東夏四月戊寅

朔以郭子儀為司空關內河東副元帥

以新紀修

庚寅郭子

儀敗賊將李歸仁於留運橋五月癸丑子儀及安守忠

戰於清渠敗績

以新舊紀通鑑脩

解題曰竇革音訓子儀軍潞水西守忠軍清渠北越
七日王師不進賊乘桴以逼我軍子儀使壯士持陌
刀於岸以俟之賊軍偽遁子儀帥師逐之賊以銳卒
九千為長蛇陣守忠為首從延平門路入安太清為
尾從金光門路入各四千人而以千人趣平川當官
軍而橫擊之首尾翼張前後奔衝王師不虞賊之暴
至遂大潰餘見通鑑

竇革音訓清治谷水自高陵入
櫟陽西入耀州界曰清渠下入

渠白

丁巳房琯罷諫議大夫張鎬為中書侍郎同平章事

新以

舊紀通鑑修

魯炅奔襄陽

以通鑑修

張巡敗尹子奇

以通鑑修

秋七月

賊將陷陝郡

以新紀修

八月甲申崔渙罷

新紀

己丑張鎬無河

南節度使都統淮南諸軍事

以新紀修

解題曰舊史傳鎬無河南節度使持節都統淮南等

道諸軍事事見通鑑新史志天寶末置天下兵馬元

帥都統朔方河東河北平盧節度使招討都統之名

始於此舊史志都統乾元中置或總三道或總五道

蓋李岷以乾元元年統淮南江東江西節度使則三道也李光弼以上元二年統河南淮東西山南東荆南則五道也建中初李勉以汴州節度使充河南汴州宋滑亳河陽等道都統使都統置使始於此元和中高崇文以節度使充京西諸軍都統一路都統始於此韓弘以節度使充淮西諸軍行營兵馬都統兵馬都統始於此乾符後又置都都統

李繪曰都統副都統其名蓋生

於統軍軍統於將者也都統又盡統諸將諸軍若漢都護之稱

閏八月丁卯廣平王俶為天下兵馬元帥郭子儀副之

以回紇南蠻兵討安慶緒

以新紀修

九月丁丑上黨節度使

程千里為蔡希德所執

以紀傳修

解題曰至德置澤潞節度使上元增領沁州寶應增

領鄭州又增領陳邢洺廣德置相衛節度使治相州

增領貝邢洺又增領河陽三城澤潞節度增領懷州

大歷元年相衛賜號昭義軍後田承嗣盜取相衛洺

貝五年鄭州隸涇原建中元年昭義節度兼領澤潞

二年罷領懷衛河陽三城二年增領洺州趙州隸深
趙貞元陳州隸陳許中和孟方立徙昭義於邢州而
無領潞州五州有二節度使天復合為一復領澤州
壬寅廣平王俶大敗安守忠等於澧水癸卯復京師安
慶緒奔陝

以新舊紀
通鑑修

解題曰按通典天寶末年盜賊奔突克復之後府庫
一空又所在屯師用度不足於是遣御史康雲間出
江淮陶銳往蜀豪商富戶皆籍其家資所有財貨蓄

產或五分納一謂之率貸所收巨萬計蓋權時之宜
其後諸道節度觀察使多率稅商賈以充軍資雜用
或於津要及市肆交易之處計錢至一千以上者皆
以分數稅之自是商旅多失業矣餘見通鑑澧水出終南山
合於渭

甲辰遣使迎上皇以通鑑修冬十月戊申廣平王俶大敗安

慶緒於新店克陝郡以新舊紀修

解題曰寶革音訓新店今陝府西四十里

癸丑睢陽陷張巡等死之

以新紀修

解題曰按新舊史列傳李翰張巡傳巡為真源令與單父尉賈賁各召募豪傑同為義舉時雍邱令狐潮舉縣附賊遂自將東敗淮陽兵虜其衆反接在廷暫出行部淮陽囚更解縛迎賁等入潮不得歸巡屠其妻子礫城上吳王祗承制授賁監察御史潮怨賁還攻雍邱賁趨門為衆躡死士乃奉巡主軍祗乃舉兗以東委巡經畧潮以衆四萬薄城人大恐巡分千人

乘城分千人為數隊出身前驅直薄潮軍軍却積六旬大小數百戰士帶甲食裹瘡鬪潮遂敗走追之幾獲潮怒復率衆來城中矢盡巡縛藁為人千餘被黑衣夜縋城下潮兵爭射之久乃藁人還得箭數十萬其後復夜縋人賊笑不設備乃以死士五百斫潮營軍大亂焚壘幕追奔十餘里賊慙益兵圍之巡徐謂潮曰君須此城歸馬三十匹我得馬且出奔潮歸馬巡悉以給驍將約曰賊至人取一將潮怒欲戰陣未

成三十騎突出擒將十四斬百餘級潮遁還陳留不復出七月潮率賊將攻城圍四月賊常數萬而巡衆纔千餘每戰輒克於是河南節度使號王巨屯彭城假巡先鋒俄而魯東平隕賊濟陰太守高承義舉郡叛巨走臨淮賊將楊朝宗謀趨寧陵絕巡餉路巡拔衆保寧陵至睢陽與太守許遠城父令姚閭等合乃遣將雷萬春南霽雲等領兵戰寧陵北斬賊將二十殺萬餘人朝宗夜遁詔拜巡主客郎中副河南節度

使巡藉將士有功者請於巨巨纔授折衝果毅巡曰
宗社尚危渠可吝賞與貲巨不聽祿山死慶緒遣尹
子奇將同羅突厥奚勁兵十餘萬攻睢陽巡勵士固
守日中二十戰氣不衰遠自以材不及巡請稟軍事
而居其下巡受不辭遠專治軍糧戰具詔拜巡御史
中丞遠侍御史閭吏部郎中子奇復圍城巡語其下
曰吾蒙上恩賊若復來政有死爾諸君雖捐軀而賞不
直勲以此痛恨乃椎牛大饗悉軍戰賊望兵少大笑

巡遠親鼓之賊潰追北數十里其五月賊刈麥乃濟
師巡夜鳴鼓嚴隊若將出賊申警俄息鼓賊覘城上
兵休乃弛備巡使南霽雲等開門徑抵子奇所斬將
拔旗七月復圍城初睢陽穀六萬斛可支一歲而巨
發其半饗濮陽濟陰遠固爭不聽濟陰得糧即叛至
是食盡士日賦米一勺斲木皮鬻紙而食纔千餘人
皆癯劣不能穀救兵不至賊知之以雲衝傳堞巡出
鉤干柱之使不得進篝火焚梯賊以鉤車木馬進巡

輒破碎之賊服其機不復攻穿壕立柵以守士多餓
死者皆瘡傷氣乏巡出愛妾曰諸君經年乏食而
忠義不少衰吾恨不割肌以啖衆寧惜一妾而坐視
士飢乃殺以大饗坐者皆泣巡彊令食之遠亦殺僮
奴以哺卒至羅雀掘鼠煮餽弩以食賀蘭進明代巨
節度屯臨淮許叔冀尚衡次彭城皆觀望莫肯救巡
使霽雲如叔冀請師不應遺布數千端霽雲嫚罵馬
上請決死鬪叔冀不敢應巡復遣如臨淮告急引精

騎三十冒圍出賊萬衆遮之霽雲左右射皆披靡既見進明進明曰睢陽存亡已決兵出何益霽雲曰城或未下如已亡請以死謝大夫但睢陽旣拔卽及臨淮皮毛相依理須援助何得宴安自處殊無救恤之心進明愛霽雲壯士欲留之爲大饗樂作霽雲曰昨出睢陽將士不粒食已彌月今大夫兵不出而廣設聲樂義不忍獨享雖食弗下咽今主將之命不達霽雲請置一指以示信歸報中丞也因拔佩刀斷指一

坐大驚為出涕卒不食去次寧陵得城使廉坦兵三千夜冒圍入賊覺拒之且戰且引兵多死所至纔十人方大霧巡聞戰聲曰此霽雲等聲也乃啟門將士相持泣賊知外援絕圍益急初進明與房琯不相協琯為相用進明為河南節度使兼御史大夫復用靈昌太守許叔冀為進明都知兵馬使亦兼御史大夫號王受代之時盡將部曲而行叔冀恃部下精銳又名位等不受進明節制進明懼叔冀見襲又忌巡聲

威恐成功初無出師意衆議東奔巡遠議以睢陽江淮保障也若棄之賊乘勝鼓而南江淮必亡且帥飢衆行必不達十月癸丑賊攻城士病不能戰巡西向拜曰臣生不報陛下死為鬼以瀆賊城遂陷與遠俱執子奇謂巡曰聞公督戰大呼輒背裂血面嚼齒皆碎何至是答曰吾欲氣吞逆賊顧力屈耳子奇怒以刀抉其口齒存者三四巡罵曰我為君父爾附賊乃犬彘也安得久子奇服其節將釋之或曰彼守義者

烏肯為我用且得衆心不可留乃與姚閭雷萬春等三十六人遇害巡前後大小戰四百餘陣斬賊大小將三百人殺賊卒十二萬人多蕃兵勁卒餘見通鑑宋祁贊曰張巡許遠可謂烈丈夫矣以疲卒數萬鯁其喉牙使不得搏食東南牽掣首尾虜潰梁宋間大小數百戰雖力盡乃死而唐得全江淮財用以濟中興引利償害以百易萬可矣巡先死不為遽遠後死不為屈巡死三日而救至十日而賊亡天以完節付

二人畀名無窮不待留生而後顯也

壬戌復東京安慶緒奔河北

以舊紀通鑑修

解題曰嚴莊挾安慶緒棄東京北度河回紇大掠東都三日姦人導之府庫窮殫廣平王欲止不可而耆老以繒錦萬匹賂回紇止不剽葉護還京師帝遣羣臣勞之長樂帝坐前殿宴且勞之人賜錦繡繒毼葉護頓首言留兵沙苑臣歸料馬以收范陽除殘盜詔進司空爵忠義王歲給絹二萬匹餘見通鑑

癸亥給復鳳翔五載

以舊紀修

賊黨嚴莊降以為司農卿

以通

鑑修

丁卯帝至自靈武饗於太廟三日哭

以新紀修

十一月張

鎬帥五節度徇河南河東郡縣皆下之

以通鑑修

十二月丙

午上皇至自蜀居興慶宮甲寅苗晉卿為中書侍郎同

平章事

以新紀修

戊午大赦以廣平王俶為太尉楚王苗晉

卿侍中崔圓中書令李麟同三品郭子儀司徒李光弼

司空餘功臣進階賜爵加封追贈李愬顏杲卿等復諸

州及官名封子九人為王

以新紀通鑑修

乙丑史思明降以為

范陽節度使歸義郡王河北皆降

以呂祖謙
標目修

壬申陳希

烈等伏誅

以新
紀修

是歲故妃韋氏卒置左右神武軍為北

牙六軍及置英武軍置河中節度使分劍南為東西川

以通
鑑修

解題曰按方鎮表至德元載置河中防禦守捉蒲關

使二載升節度使領蒲晉絳隰慈號同乾元號州隸

陝華上元同州隸鎮國廣德廢為河中五州都團練

使興元復置節度領河中同絳號陝貞元罷領陝號

四年置晉慈隰防禦觀察使元和罷三州隸河中長慶置晉慈都團練觀察使太和二州隸節度光啟賜號護國軍又按玄宗初分劍南為兩節度使百姓弊於調度高適上疏曰劍南雖名東西川其實一道今裂梓遂等八州

方鎮表
係十州

專為一節度西川可稅賦者

獨成都彭蜀漢四州而已以四州耗殘當十州之役其弊可見願罷東川以一劍南併力從事帝不納餘見開元七年劍南節度解題

唐肅宗皇帝乾元元年春正月戊寅上皇加帝尊號新

舊紀修

二月乙巳上上皇尊號丁未大赦改元免今載租

庸復以載為年賜文武官階爵

以新舊紀通鑑修

三月甲戌徙

楚王俶為成王

通鑑

戊寅立淑妃張氏為皇后

新紀

解題曰胡寅曰故妃韋氏無罪被廢為尼尚在禁中

肅宗宜如何若以家事聽上皇之命則上皇無旨使

立張淑妃蓋時移事變於韋氏必有憫惻之意矣至

德二載韋氏卒史亡其月日乾元元年三月始冊張

氏為后若如肅宗初問李泌之言豈至紆緩如此無
乃上皇欲復韋氏久而不果此固張后輔國之所以
深怨上皇者歟餘見通鑑

夏四月辛亥祔新主於太廟

以新紀修

五月停采訪使改黜

陟使為觀察使

以呂祖謙標目修

戊子張鎬罷

新紀

庚寅立成王

為皇太子

以通鑑修

乙未崔圓李麟罷

舊傳

解題曰按舊史傳李輔國勢傾朝野宰相苗晉卿崔
圓已下傾心事之唯麟正身謹事無所依附輔國不

悅罷知政事餘見通鑑

太常少卿王璵為中書侍郎同平章事璵請置太乙壇

以新舊紀
通鑑修

贈顏杲卿太子太保諡忠節

以通
鑑修

六月丁巳

行新歷

以舊
紀修

太子少師房琯貶邠州刺史

以呂祖謙
標目修

解題曰通鑑作邠州誤也

李光弼陰圖史思明思明殺節度副史烏承恩以反

以
稽

古錄
修

解題曰按新舊史列傳思明外順命內實通賊益募

兵帝知之以其嘗事烏承恩父知義冀其無嫌即擢

承恩為河北節度副大使

河北節度即范陽也

使圖思明承恩

至范陽羸服夜過諸將陰諭以謀諸將返以告思明

疑未有以驗會承恩與中人李思敬奏事還宣恩命

畢將歸私第思明留承恩於館中明當有所議幃所

寢牀伏二人焉承恩小男先留范陽思明令省其父

夜語其子曰吾受命除此逆胡便授吾節度使矣二

人叫呼而出以告思明執之探衣囊得賜阿史那承

慶鐵券及光弼牒又得薄紙書數番皆先所從反軍將名賊大詬曰我何負於爾而至是耶承恩稱死罪此光弼之謀也思明集將吏百姓西嚮大哭曰臣以十三州之地十萬之兵降國家赤心不負陛下何至殺臣因榜殺承恩父子及支黨二百餘人囚思敬以聞帝遣使諭曰非朕與光弼意乃承恩所為殺之善也又聞三司議陳希烈等死思明懼曰希烈等皆大臣上皇棄而西既復位此等宜見勞反殺之況我今從祿

山反乎諸將皆勸賊表天子誅光弼思明使耿仁智
張不矜上疏請斬光弼不然且攻太原疏入於函仁
智輒易去左右密白思明執二人曰若負我耶命斬
之既復召責曰仁智事我三十年今日我忘爾耶仁
智怒曰人生會有一死須存忠節今大夫納邪說為
反逆之計縱延旬月不若早死思明大怒亂捶殺之
腦流於地餘見通鑑孫甫曰光弼謀思明事何不度
事機不顧國體之甚耶思明罪固不容誅但能以范

陽歸命朝廷天子既命之節帥封之王爵矣若以其
險詐之情必不可留亦必國威兵力足以制服其心
赫然命將誅之何至方降國命之際乃遣人爲之副
介使潛結部曲圖之此豈國體也况河北殘寇方觀
國之恩信厚薄以爲向背之計思明既以歸順被寵
隨而圖之使叛者決其計此又豈事機也使思明復
叛大亂兩河由茲失策矣

秋七月丙戌初鑄當十大錢

通鑑

丁亥冊回紇毗伽闕可

汗以公主妻之

以呂祖謙
標目修

八月丙辰加郭子儀中書令

李光弼侍中

以通鑑修

九月庚寅命郭子儀等九節度討安

慶緒宦官魚朝恩為觀軍容宣慰處置使

以呂祖謙
標目修

解題曰易師之六三師或輿尸凶六五長子帥師弟

子輿尸貞凶程頤曰師旅之事任當專九二既以剛

中之才為上信倚必專其事乃有成功若或更使衆

人主之凶之道也輿尸衆主也蓋指三也又曰任將

授師之道當以長子帥師二在下而為師之主長子

也若以弟子衆主之則所為雖正亦凶也弟子非長者也相州之役有子儀光弼在擇取焉用之則得長子之義矣衆節度紛紜而又以觀軍容宣慰處置之

其為興尸也甚矣其覆師非不幸也事見通鑑

新舊史記

朔方節度郭子儀河東節度李光弼闕內潞府節度王思禮淮西節度魯炆興平節度李奐滑濮節度許叔冀平盧兵馬使董泰北庭節度李嗣業鄭蔡節度李廣琛九節度之師按舊傳有河南節度崔光遠而無李奐通鑑命朔方淮西興平滑濮北庭鄭蔡河南七節度及平盧兵馬使討慶緒又命河東闕內二節度助之泰以兵馬使不在節度之數也

冬十月甲辰皇太子更名豫以通鑑修郭子儀破安慶緒於

衛州拔之遂圍鄴以舊史列傳修十一月河南節度使崔光遠

拔衛州以通鑑舉要歷修十二月置浙江東西道節度使以呂祖謙

修標目

解題曰是年置浙江東道節度使領越睦衢婺台明

處溫治越州大歷五年廢置都團練守捉及觀察處

置等使十四年廢以所管州隸浙西貞元分浙江東

西為二道廣明升浙東道節度為義勝軍節度使光

啟改為威勝軍乾寧改為鎮東餘見至德元載江南

西道解題

丁卯史思明陷魏州

新紀

平盧軍亂立裨將侯希逸為軍

使詔以為節度副使節度使由軍士廢立自此始

以通鑑舉

要歷修

唐肅宗皇帝乾元二年春正月己巳朔羣臣上尊號

以新

舊紀修

史思明稱燕王

以舊紀修

三月壬申史思明救鄴九節

度之師潰

以呂祖謙標目修

史思明殺安慶緒尋還范陽

以新紀通

銓修

甲午兵部侍郎呂諲同平章事乙未苗晉卿王璵罷

京兆尹李峴為吏部尚書舍人李揆為中書侍郎戶部

侍郎第五琦並同平章事丙申郭子儀為東畿等道兵

馬元帥東京留守

以新舊紀通銓修

殿中監李輔國專掌禁兵

口為制敕李峴陳其亂政夏四月壬寅制罷口敕諸務

各歸有司

以舊紀及呂祖謙標目修

解題曰按舊史列傳李輔國每日於銀臺門決天下

事須處分便稱制敕禁中符印悉佩之出入縱有敕

輔國押署然後施行餘見通鑑

史思明稱帝改元

以呂祖謙標目修

回紇毗伽闕可汗死子登

里可汗立

以通鑑修

五月辛巳李峴貶為刺史

以新紀修

秋七月

名郭子儀還辛巳以子越王係為天下兵馬元帥李光

弼副之

以新舊紀通鑑修

辛卯爵朔方節度副使僕固懷恩大

寧郡王

以通鑑修

八月乙巳襄州將康楚元等逐刺史九月

陷荊州

以新舊紀通鑑修

戊辰鑄當五十大錢

以舊紀通鑑修

汴滑節

度使許叔冀降於史思明李光弼退守河陽庚寅思明

陷東京冬十月乙巳光弼敗之於河陽

以呂祖謙
標目修

解題曰汴滑節度見至德元年河南節度解題

十一月庚午第五琦貶為刺史

新紀

十二月乙巳康楚元

伏誅

新紀

史思明遣兵寇陝州神策軍將衛伯玉敗之

新

紀修

唐肅宗皇帝上元元年春正月辛巳加李光弼太尉中

書令

以舊紀
通鑑修

四月戊申襄州軍亂己未以陝西節度使

來瑱為山南東道節度使討平之

以通
鑑修

解題曰晁補之曰去年襄州逐刺史今年襄州殺節度使將吏逐帥阻兵自此始時大寇嗣興餘黨未殄朝廷置不暇問譬方搏虎救噬而豺攘其豬捨之宜也然因是以萌藩鎮戕主帥擅相立之患惜哉事見通鑑

是月彗星出於婁胃

以新紀修

夏閏四月辛酉朔彗星出於

西方

以新舊紀修

丁卯加河東節度使王思禮司空

以舊紀通鑑修

解題曰不為宰相而拜三公自是始

己卯改元

新紀

解題曰舊紀星文變異大赦改元宋庠紀年通譜紀
年建號不能無襲然必異代他姓失於詳討至若本
朝舊朔無容忘悞而帝中興未幾復用祖宗之年與
晉元帝魏孝武同弊實一朝之巨失焉

五月丙午太子太傅苗晉卿為侍中

以新舊紀修

壬子呂諲

罷

以新紀修

癸丑以京兆尹劉晏為戶部侍郎度支鑄錢鹽

鐵等使

以舊紀修

六月乙丑鳳翔節度使崔光遠破羌渾党

項

以新紀
通鑑修

詔開元乾元錢一當十當五十錢當三十

以舊

紀通鑑修

秋七月丁未李輔國遷上皇於西內刑部尚書顏

真卿帥百僚問起居坐貶

以呂祖謙
標目修

解題曰蘇軾曰魯公湖州放生池碑載其所上表云

一日三朝大明天子之孝問安侍膳不改家人之禮

魯公知肅宗有愧於是也故以此陳孰謂公區區於

放生者哉事見通鑑

丙辰開府儀同三司高力士流巫州

以舊紀
通鑑修

八月庚午

以衛伯玉為神策軍節度使

以通鑑修

九月以邠寧鄜坊節

度使郭子儀為諸道兵馬都統自朔方取范陽事沮不

行

以列傳修

解題曰魚朝恩素害子儀之功因其鄴城失律遂加
譖訴既解其兵柄而授之李光弼矣及河洛再陷西
戎侵逼始授子儀邠寧鄜坊兩節度然尚居京師也
至是起為諸道兵馬都統使率禁軍及河西河東鎮
兵由邠寧朔方大同橫野徑趨范陽可謂廟算矣而

復為朝恩沮止迄使范陽不可取而他日僕固懷恩
遂樹李懷仙以胚禍根豈不惜哉餘見通鑑

冬十一月甲午宋州刺史劉展反陷揚潤昇等州

以稽古錄

通鑑修

李光弼拔懷州擒賊將安太清

以通鑑修

唐肅宗皇帝上元二年春正月癸卯史思明改元

以通鑑修

乙卯劉展伏誅

新紀

二月己未奴刺党項寇寶雞侵鳳州

以新舊紀修

戊寅李光弼及史思明戰於北邙敗績河陽懷

州陷

以新舊紀修

解題曰按新舊史列傳思明使諜宣言賊將士皆北
人謳吟思歸觀軍容使魚朝恩信然屢上賊可滅狀
朝旨令光弼速收東京光弼固言賊鋒尚銳未可輕
動朔方節度使僕固懷恩雄毅寡言而剛決犯上始
居偏裨意有不合雖主將必詬折麾下皆蕃漢勁卒
恃功多不法郭子儀每事優容之行師用兵倚以輯
事及光弼代子儀持法嚴少假貸初會軍汜水朔方
將張用濟後至斬纛下懷恩常邑邑不樂又害光弼

之功潛附朝恩言賊可滅由是中使督戰光弼不得已
令李抱玉守河陽出師次北邙光弼使傅山陣懷恩請
陣諸原光弼曰有險可以勝可以敗陣於原敗斯殲矣
懷恩不從賊據高原以長戟七百壯士執刀隨之委物
偽遁懷恩軍爭剽獲伏兵發官軍大潰軍資器械並為
賊所有光弼度河保聞喜抱玉棄河陽光弼請罪帝以懷
恩違令覆軍優詔召入朝抗表請罪詔釋之餘見通鑑
癸未李揆貶袁州長史河中節度使蕭華為中書侍郎同平

章事

以新紀修

三月甲午史思明遣其子朝義寇陝州衛伯

玉敗之

以新紀修

戊戌史朝義弑其父思明稱帝

以呂祖謙標目修

解題曰按姚汝能祿山事迹平致吳荊門紀亂朝義
殺思明以張通儒為燕京留守尋為高鞠仁所殺推
阿史那承慶為留守承慶與鞠仁接戰不敵奔潞縣
鞠仁令城中殺胡者皆重賞於是羯胡盡殪其衆復
以鞠仁為燕京都知兵馬使五月朝義以李懷仁為
范陽節度自春至夏相殺者四五餘見通鑑

李光弼罷副元帥開府侍中河中節度使

以新紀通鑑修

夏四

月己未吏部侍郎裴遵慶為黃門侍郎同平章事

以新舊紀

修五月梓州刺史段子璋反尋伏誅

以新舊紀列傳修

史朝義

將令狐彰降甲午以滑衛為節度使

以通鑑修

解題曰滑衛節度是年置領滑衛相魏貝博廣德增

領毫更號滑毫節度增領德州衛隸澤潞析相貝置

防禦魏博節度大歷四年增領陳七年為永平節度

十一年增領宋泗十四年增領汴潁建中增領鄭析

宋亳穎別置節度泗隸淮南興元汴隸宣武貞元元年更號義成軍增領許州三年許隸陳許長慶領穎州光啟改為宣義軍

唐子以李光弼為河南副元帥太尉侍中都統河南等

五道行營鎮泗州

以新舊紀傳修

解題曰按新舊史紀傳光弼都統河南淮南東西山南東道荆南五道節度行營通鑑增江南西浙江東西為八道今從紀傳

秋七月癸未朔日有食之既大星皆見

以舊紀修

八月癸丑

朔李輔國為兵部尚書

以舊紀通鑑修

九月甲申置道場於三

殿

以朱熹綱目修

解題曰三殿在東內韋述兩京記宋敏求長安志云

即麟德殿此殿三面故以為名

壬寅去尊號及年號以建子月為歲首月以斗所建辰

為名

以新舊紀修

建子月丁亥劉晏貶通州刺史戊子御史

中丞元載為戶部侍郎度支鹽鐵鑄錢等使

以舊紀修

己亥

帝朝上皇於西內

以通鑑修

建丑月平盧范陽相攻連年援

絕侯希逸引兵而南

以通鑑修

唐肅宗皇帝寶應元年建寅月李光弼克許州

新紀

建卯

月癸丑河東殺其節度使鄧景山請以都知兵馬使辛

雲京為代從之

以呂祖謙標目修

乙丑河中行營兵亂殺其節

度使都統諸道李國貞於絳殺鎮西北庭節度使荔非元禮於翼城請以裨將白孝德為代從之

解題曰翼城絳州縣

辛未爵郭子儀汾陽郡王知朔方河中北庭潞儀澤沁

節度行營興平定國軍副元帥

以呂祖謙
標目修

建辰月戊申

蕭華罷戶部侍郎元載同平章事

以新
紀修

建巳月壬子楚

州獻定國寶玉十有三

新紀

帝不豫命皇太子監國皇后惡李

輔國召太子欲圖之太子不許乃與越王係謀之丁卯

皇后召太子入宮飛龍副使程元振以告輔國輔國止

太子無入率兵殺係及究王憚幽皇后於別殿是夜帝

崩於長生殿殺后已巳皇太子豫即皇帝位

新紀

解題曰長生殿長安志在東內

甲戌以子奉節郡王迺為天下兵馬元帥郭子儀罷副

元帥

以新紀修

解題曰帝即位六日而子儀罷副元帥由程元振之

譖也通鑑不書闕也

乙亥李輔國號尚父程元振為監門衛將軍知內侍省

事五月庚辰郭子儀誅絳州亂軍

以呂祖謙標目修

壬午李輔

國為司空兼中書令

以新紀通鑑修

爵李光弼臨淮郡王

以舊紀傳

甲申以侯希逸為平盧淄青節度使

以通鑑修

解題曰至德元載置青密節度使領北海

青州高密

東牟

登州萊州

治北海置鄆齊兗都防禦使治齊州

乾元元年青密增領滑濮二年增領淄沂海以滑隸

汴滑濮隸鄆齊兗升鄆齊兗為節度使上元置淄沂

節度使領淄沂滄德棣平盧節度侯希逸保青州授

青密節度使廢淄沂節度并所管州號淄青平盧節

度增領徐州廣德滄德隸魏博寶應鄆兗濮徐隸河

南登萊沂海泗隸淄青平盧大厯十年淄青平盧領
德州十一年領鄆曹濮徐兗以泗州隸永平建中廢
節度使置淄青都團練觀察使領淄青登萊齊兗鄆
置曹濮都團練觀察使興元廢復淄青平盧節度領
青淄登萊齊兗鄆徐海沂密曹濮貞元徐州隸徐泗
元和十四年領青淄齊登萊置鄆曹濮節度沂海觀
察使領沂海兗密十五年鄆曹濮號天平軍長慶升
沂海為節度太和元年齊州隸橫海二年淄青平盧

增領隸八年廢沂海為觀察使大中復為節度咸通
三年沂海增領徐州五年天平增領齊棣沂海罷領
徐十三年淄青平盧復領齊棣乾寧沂海號泰寧軍
大小錢皆當一

以舊
紀修

李光弼使兗鄆節度使田神功擊

史朝義於宋州大破之

以通
鑑修

解題曰兗鄆節度見是年平盧淄青節度使解題

封子二人為王

以通
鑑修

追復庶人王氏為皇后

新
紀

六月辛

亥追廢皇后張氏越王係兗王間為庶人

以新
紀修

乙未李

輔國罷元帥行軍司馬以程元振為元帥行軍司馬辛

酉輔國罷中書令封博陸王

以通鑑修

乙亥以劉晏為戶部

侍郎京兆尹度支轉運鹽鐵等使

以列傳通鑑修

秋八月袁晁

反於台州

以新舊紀修

徙封适為雍王

以新舊紀修

九月庚辰來瑱

為兵部尚書同平章事仍為山南東道節度使

以舊紀修

乙

未程元振加驃騎大將軍兼內侍監

以通鑑修

冬十月辛酉

雍王适會諸道及回紇兵討史朝義加朔方節度使僕

固懷恩同平章事領節度行營以副之

以呂祖謙標目修

解題曰按新舊史列傳代宗立程元振自謂於帝有功忌宿將難制離構百計因罷郭子儀副元帥加實戶為肅宗山陵使子儀懼讒且成盡褫肅宗所賜詔勅千餘篇上之因自陳訴初帝與子儀同患難復兩京至是悔悟眷禮彌重史朝義尚盜洛帝欲使副雍王率師東討為朝恩元振交訾之乃止餘見通鑑

壬戌盜殺李輔國

新紀

乙亥雍王适大敗史朝義於橫水

復東京

以通鑑修

解題曰竇革音訓橫水在洛陽北郊

十一月丁丑史朝義將薛嵩以相衛洛邢張忠志以恒
趙深定易等州降皆已受代僕固懷恩復其位丁酉以
忠志為成德節度使賜姓名李寶臣

以呂祖謙
標目修

解題曰成德節度是年置領恒定易趙深廣德增領
冀州大厯增領滄州建中罷置恒冀都團練觀察使
深趙都團練觀察使興元廢二觀察復置節度使領
恒冀趙深貞元增領德棣元和德棣隸橫海天祐更

號武順軍

己亥以僕固懷恩為左僕射中書令朔方河北副元帥

以新紀修

是歲召李泌

以李鄴侯家傳修

大事記續編卷五十九